

KU HLAYISIWA ²



Tani hiloko ha ha korhamisa tinhloko ta hina madyambu lawa tani hi kereke, tani hi ntlawa lowu vitaniweke, vanhu lava pfumeleke lahawani madyambu lawa, ku dyondzisa Rito ra Wena, ri hi veka exiyin'weni xa Miri, laha hi kumekaka kona, kutani hi laha hi nga tirhaka hi ku ringanela kun'we tani hi swirho swa Miri wa Kreste.

² Kutani sweswi ku vitaniwile ehenhleni ka hina hi ku hatlisa leswaku hi ta eka Xikwembu. Kutani un'wana na un'wana wa hina vatatana u enhleketa hi swona, a ku ta humelela yini loko a kuri xinhwanyetana xa hina, timbilu ta hina a ti ta tshwa njhani niku vaviseka endzeni ka hina, kutani hi ta vitaneriwela eka tikereke hi ku hatlisa hi tava ni xikhongelo. Kutani timbilu tava tatana van'wana ti le ku ntshweni, niku vaviseka. Hosi, Munhu yaloye lonkulu a nga Moya wo Kwetsima a nga ha ta sweswi eka timbilu tava tatana valavo. Susa ndzhuti wa ku kanakana, niku vaviseka kun'wana ni ku n'wana, kutani va endli va switiva leswaku Wena u Xikwembu kutani a ku na mavabyi lama nga yimaka eMahlweni ka Vukona bya Wena loko ku lerisa ka Wena ka Matimba ku rhwariwile hi kereke ya Wena ni vanhu va Wena.

³ Kutani tani hiloko evhikini hinkwaro, hi ri ku khongeleni, kusukela Sonto lowu hundzeke a ndzi ehleketa hi tindlela leti kumbe leswi swivulaka hi xikhongelo. A hi na matlharhi yo tala tani hi laha swi langutekaka ha kona emisaveni, kambe xipelupelu nyana lexi hi nga na xona xi file loko ku khomelela etitinhweni ta ripfumelo. O Hosi, i ngaku swikhongelo swa hina swi nga nghena ekaya, rifu lero ri ncikinyhaka ehenhla ka n'wana yaloye, kutani ri nga ha tshoveleleka; munyama, wu vangamela, ekule ni laha ricece lero ri nga etlela kona, n'wana ya loye kumbe xihlangi, xinhwanyetana. Kutani Rivoni lerikulu ra Vukona bya Xikwembu ri nga ha vangamela ehenhla ka yena. Leswaku a nga ha huma exibedlhele xexo, a ri n'wana loyi a holeke.

⁴ Xikwembu, ntsena ha switiva leswaku hi ku pela nambu varhandziwa va hina va hi rindzerile, nakona swi kwetsimile. Kambe ha va rhandza varhandziwa va hina. Kutani ha khongela, Hosi, leswaku ku kwetsima ka Wena, leswaku U ta hlayisa vutomi bya n'wana yaloye. Hina, tani hi kereke ya Wena, hi ntshinya rifu lero, kutani hi ri, "Yimela etlhelo. A wu nge n'wi teki n'wana yaloye, hikuva hi koxa vutomi bya yena hikokwalaha ka mfumo wa Xikwembu." Hi nyiki swilo leswi, Hosi, leswaku hi famba hiku kongoma maraka tani hi laha hi nga va kongomisa kona, hi Vito ra Yesu Kreste, Muponisi wa hina. Amen.

⁵ Xana ha pfumela xana? A ndzi switivi leswaku a ndzi ta endla yini loko a ndzi nga ri Mukreste. Ntsena a ndzi nga ta lava ku tshama nkarhi wo leha. A ku tava ku ri hava lexi ndzi nga xi hanyelaka, ntsena ku endla leswaku van'wana va ponisiwa, hi swona swo antswa leswi ndzi swi tivaka.

⁶ Sweswi, madyambu lawa ntsena hi lava ku ya sungula hi masungulo nyana ya dyondzo leyi hundzeke. Kutani ndzi ta ringeta ku hlaya, hikokwalaho, i ndzimana ya khale, loko ndzi nga swi kota madyambu lawa. Swingaleswi hi Sonto ni mixo ndzi ta fanela kumbexana ku phuxa havumbirhi ka tona ni mixo ni hi madyambu ya kona ya Sonto, loko sweswo swi lulamile, ku ringeta ku nghena eka ntshamu lowu ndzi lavaka kereke leswaku yi wu vona. Oho, swi kwetsimile ku kuma ndhawu ya n'wina! Kutani a kuna un'wana loyi a nga endlaka swin'wana ntsena loko mi switiva kahle leswi mi swi endlaka.

⁷ Xana a ku ta humelela yini loko a mi tiva leswaku mi ya eku...veni ni vuhandzuri, nakona kova ni xidokodelani lexi xi humaka exikolweni lexi xi nga ta...a xi se tshama xi endla vuhandzuri. Hambi swi ritano, u ntsongo nikuva ni tintswalo, ni misisi ya yena yi kamiwile yi olova, kutani u ambarile kahle, a basa, ni swin'wana. Kutani a ku, "Ndzi yi lotile mikwana, nakona ndzi hlantswile switirhisiwa ni swin'wana." Kambe mi tava ni vutitwi nyana lebyi ngariki kahle ha swona. Swi nga antswa ndzi va na dokodela wa khale loyi a nga tshama a endla vuhandzuri byebye minkarhi yo tala, ndzi nga si handzuriwa. Ndzi—ndzi lava ku tiva un'wana loyi ntsena a nga humeki exikolweni, ndzi lava un'wana loyi a nga ni ntokoto.

⁸ Kutani ntokoto Wun'we lowo ndzi wu tivaka wo antswa, ku wu vitana madyambu lawa, i Moya wo Kwetsima. Hi Wona N'anga leyikulu ya Xikwembu ni Mudyondzisi lonkulu.

⁹ Kutani tani hiloko ndza hari emasunguleni ya Hungu ra mina madyambu lawa, ndza ha ri eka nchumayelo wa Sonto, lowu a ku ri...Va alerile Samuel ni Rito ra Hosi; kutani va amukela Saul, n'wana wa Kish; kutani va alela Samuel, laha a yimele Moya wo Kwetsima, hikuva a vulavula ntsena tani hilaha Moya a wu n'wi rhangela eku vulavuleni. Kutani loko a kokile rinoko ra vona eka swona, u teri, "Tsundzukani, a ndzi kalanga ndzi vula nchumu eka n'wina hi Vito ra Hosi kambe leswi Hosi yi swi tisaka swa humelela. Hambi loko ndzi nga hanyi kahle emahlweni ka n'wina. Kutani kuhava na un'we loyi a nga ndzi hehlaka hi xidyoho."

Tani hi Yesu loko a teri, "Xana i mani loyi a nga Ndzi hehlaka hi xidyoho xana?" Wa vona?

¹⁰ Kutani u teri nakambe, leswaku, "A ndzi tanga eka n'wina ku ta mi kombela mali ni swin'wana. A ndzi tekanga nchumu

swa n'wina. Kambe hinkwaswo leswi ndzi nga swivula hi leswi swinene eka n'wina, leswi ndzi swi tiseke eka n'wina hi leswi swi humaka enon'weni wa Hosi."

¹¹ Kutani vanhu hinkwavo va vula vumbhoni, "Bya leswaku i ntiyiso. Hinkwaswo leswi nga ntiyiso, kambe hambi swi ri tano ha ha swilava ku va na hosi. Hi lava ku fana ni misava hinkwayo."

¹² Sweswi, madyambu lawa, Tsalwa ra hina ri le ku aveni ka Buku ya va-Efesa, i Buku ya Yoxuwa ya Testamente Leyintshwa. Yi le ku aveni niku ntshamiseka ku "tlula letin'wana." Sweswi, ntsena ko va masungulo nyana, leswaku hi kuma ndhawu hi nga se na hlaya, a hi sunguleni hi vhesa ya vu3. Sweswi, hikuma leswaku eka madyambu ya Sonto lowu hundzeke...Xikwembu eka Testamente ya Khale xi endlele Israel xitshembhiso xa tiko ro wisela kona, hikuva a va ri vaendzi ni va tsendzeleki. Kutani a va ri etikweni leri a ri nga ri ra vona, kutani Xikwembu xi tshembhisile Abraham leswaku u ta tshama, vatukulu va yena va ta tshama mune wa madzana wa malembe etikweni ra vamatiko, ni ku khomiwa hi tihanyi, kambe hi voko ra matimba Xi tava humesa va ya etikweni lerinene leri ri khulukaka ntshwamba ni vulombe.

¹³ Kutani, sweswi, loko nkarhi wa xitshembhiso wu tshunela ekusuhi, Xikwembu xi pfuxile un'wana leswaku a va nghenisa eka tiko lero. Xana i vangani lahawani klasini madyambu lawa lava va...va n'wi tivaka leswaku yaloye a ri mani? Muxe. Xiyisisani, hi xiviri, yena hi xiviri wa maendlelo Man'we ya hina loyi a tisiweke ku hi nghenisa eTikweni ra xitshembhiso, Krete. Sweswi hi na xitshembhiso, hikuva xitshembhiso xa hina i xa ku Wisa ka ximoya, laha, eka vona a kuri ku wisa ka xinyama. Kutani hambi swi ri tano a va ta etikweni leri va nga vulaka leswaku, "Leri i tiko ra hina, a ha ha ri vatsendzeleki hi sweswi hi tshamisekile, leri i tiko ra hina, kutani hi wisa kwalahawani. Hi ta byala mavele ya hina, mansimu ya hina ya vhinya, kutani hi ta dya emasin'wini ya hina ya vhinya. Kutani loko hi hundza laha emisaveni, hi ta ma siyela vana va hina."

¹⁴ Oho, xana hi nga ya njhani eka tiko ra yona, milawu ya kudya ndzhaka, tani hi Naomi na Ruth, Boaz. Ku vuyisele hinkwaswo sweswo endzhaku. Leswi makwerhu eIsrael, leswi sweswo a nga swi...swin'wana ni swin'wana leswi a nga swi lahla swi fanele swi kutsuriwa hi wa rikwenu. Oho, swi sasekile njhani! Swi ta teka mavhiki na mavhiki na mavhiki na mavhiki, hi nga ka hi nga yi tshiki ndzimana leyi, ku ya eka yona. Hi nga ha boha Bibe le ya khale kwalahawani, kona kwalahawani eka ndzimana ya leyi yin'we.

¹⁵ Kutani, oho, ntsena ndzi rhandza ku Yi hlaya. Hi swi toloverile ku Yi teka, hi yi tekile kuringana lembe ni hafu, kutani a hi kalanga hi yi tshika Buku. Ntsena hi tshama na Yona.

¹⁶ Sweswi, kambe, kudya ndzhaka i nchumu wun'wana wa kahle ngopfu, leswi a swi ri xiswona kudya kwaloko ka ndzhaka etikweni laha ku nga riki un'wana ni un'wana kambe xaka leri ri nga ekusuhi swinene loyi a nga kutsulaka ndzhaka yaleyo. Sweswi, mi nge ndzi swi tshikela mfungo wu n'wana lowu ntsongo lahawani lowu ndzi wu khumbheke madyambu man'wana, eka n'wina vamanana. I vangani lahawani lava khongeleleke varhandziwa va vona, lava nga lahleka xana? Swikahle. Ma ha ri kwalaho nakambe, wa vona, "Mi vadyi va ndzhaka." Wa vona?

¹⁷ Paul u byerile va-Rhoma, a ku, "Pfumelani eka Hosi Yesu Kreste, kutani wena ni va yindlu ya wena mi ta ponisiwa." Loko mi ri ni ripfumelo leri ringaneke n'wina vinyi ra ku ponisiwa, vanani ni ripfumelo leri ringaneke, swi nga ri na mhaka leswaku mufana yaloye u ya emahlweni njhani, kumbe nhwana yaloye leswi a nga xiswona, va ta ponisiwa hi ndlela yin'wana. Xikwembu, hi ndlela yin'wana! Loko Xi lava ku va beburisa vona, va pavalarile kwalahaya exibedlhele, va ri eku feni, va ta ponisiwa. Xikwembu xi swi tshembhisile. Ku dya ndzhaka! Oho! "Kutani va ta va kwalahaya," kuvule Esaya, "ni vana va vona na vona. A va nga vavisiwi kumbe ku lovisiwa hinkwavo etshaveni leyi kwetsimaka ya Mina, kuvula Hosi."

¹⁸ Oho, ndzi na xivati nyana ndza tshembha ndzi ta nghena eka xona madyambu lawa, xa n'wina. Ntsena lexi xi pfurhaka embilwini ya mina, xa leswi swi taka endzhaku ka sweswo.

¹⁹ Kambe sweswi, ku ya emahlweni. Kutani mi kale mi n'wi xiyisisa Muxe, muendli wa mahlori ya lawa lamakulu loyi a tiseke Israel ehansi etikweni, niku va yisa etikweni ra xitshembhiso, kambe a nga va vekelanga ndzhaka xana? A nga va nyikanga ndzhaka ya vona; u va rhangerile ku ya fika etikweni, kambe Yoxuwa u avanyisile tiko a ri nyika vanhu. A hi swona xana? Kutani Kreste u tisile kereke endhawini laha rifuwo ra vona ri nga endleriwa vona, va nyikiwile rona, ntsena ku pela Jordan, kambe Moya wo Kwetsima hi wona wu ri Woxe Lowu wu vekaka kereke eka ntshamiseko. Yoxuwa wa namuntlha u veka kereke eka ntshamiseko, a ri karhi a nyika un'wana na un'wana, tinyiko, tindhawu, xiyimo. Kutani hi Yena Rito ra Xikwembu leri vulavulaka eka munhu wale ndzeni loyi Kreste a nga n'wi ponisa, Moya wo Kwetsima. Sweswi ma swi kuma hi vunyingi bya swona xana? Sweswi hi nghena eka Buku ya va-Efesa. Sweswi, hi ndlela leyi fanaka, U le ku vekeni ka kereke exiyin'weni lexi nga xa yona. Sweswi, Yoxuwa u va vekile eka tiko ra ntumbuluko. Sweswi Moya wo Kwetsima wu le ku vekeni ka kereke, exiyin'weni, etikweni, laha va nga, eka xiyimo lexi xi nga xa vona, ndzhaka ya vona.

²⁰ Sweswi, xo sungula lexi a nga sungula ha xona lahawani, u tsarile papila ra yena, "Paul." Leri, hi yaka eku kambisiseni

endzhaku nyana loko swihundla hinkwaswo leswi swi nhlavuteriwile eka yena, ku nga ri eka seminara, ku nga ri hi un'wana loyi a nga dyondzela vukhongeri, kambe i nhlavutelo wa Matimba ya Moya wo Kwetsima lowu Xikwembu xi wu nyikeke Paul. Hi ku tiva xihundla xexo xa Xikwembu, u teri, lexi tumbetiweke kusukela loko misava yi tava yi tumbuluxiwile, xi nhlavuteriwile eka yena hi Moya wo Kwetsima. Kutani Moya wo Kwetsima exikarhini ka vanhu a wu ri eku vekeni ka un'wana ni un'wana hi ntshamiseko, wu veka kereke exiyyin'weni xa yona.

²¹ Sweswi, xilo xo sungula lexi Paul a xi sunguleke ku byela vanhu, i ku kuma hinkwaswo swa...Tsundzukani, leswi i swa kereke, ku ngari va le handle. I xihundla hi mawetana eka yena, a nga kotanga ku xi twisisa, xilo hundza hi le henhla ka nhloko ya yena, a nga kalanga a tiva nchumu ha xona kutlula leswi nga riki nchumu. Kambe, eka kereke, i vulombe lebyi nga etambeni, i ntsako lowu nga hlamuselekiki, i xitshembhiso lexi katekisiweke, i xitiyisiso xa moya, i ku tshembha ni ku tshama ka hina, i Ribye ra Tinguva, oho, i hinkwaswo leswi swi nga kahle. Matilo ni misava swi ta hundza, kambe Rito ra Xikwembu ri ngaka ri nga hundzi.

²² Kambe munhu loyi a nga ehandle ka Kanana a nga tivi nchumu ha swona, wa ha pepetseka. A ndzi vuli leswaku a hi munhu wa kahle, a ndzi vuli swona sweswo. A ndzi vuli leswaku hambu kuri munhu loyi a nga eEgipta a hi munhu lonene, kambe yena, ku kondza a fika eka rifuwo leri.

²³ Kutani rifuwo, leri, xitshembhiso lexi nyikiweke kereke a hi xa tiko ra ntumbuluko, kambe tiko ra ximoya, hikuva hina hi va le vuhosini bya vuprista, tiko ro kwetsima. Kutani eka vuprista lebyi, tiko ro kwetsima, vanhu lava va yelenaka, lava vitaniweke, va nga hlawuriwa, lava langhiweke, lava nga vekiwa etlhelo, kutani misava hinkwayo yi fele ehandle. Kutani hina hi fambisiwa hi Moya. Vana va xinuna ni vaxisati lava va nga va Xikwembu va fambisiwa hi Moya wa Xikwembu; ku nga ri hi munhu, kambe hi Moya.

²⁴ Hinkwavo hi rirhandzu, swilo hinkwaswo i xikatsa xin'we sweswi. Leswi swi ringetiwiwe ku dyondzisiwa hi minkarhi yo tala, kutani a swi kanakanisi leswaku va ntivo-vukhongeri lavakulu va swi bile hi vunyingi hi ku enta kutlula leswi ndzi nga swi endlisaka xiswona. Kambe lexi ndzi lavaka ku ringeta ku xi fikelerisa eka n'wina hi lexi, hi leswaku munhu loyi a nga eka Krete, ni Moya wo Kwetsima, a nga twela munhu loko a hoxisile, ku tiyisela, vumbulwa, ku kondzelela. U kahle, wa titsongahata, wa tshembheka, u tatiwa hi Moya, a nga kali akaneta, wa pfumela minkarhi hinkwayo. I munhu loyi a hambaneke.

²⁵ Ku nga ri munhu loyi ntsena, “Hi vile na swona. Loko hi huwelerile, hi na swona, hina va-Methodists. Oho, loko hi huwelela, hi le Tikweni.” Sweswo swi kahle, sweswo hi swona, ndza swi pfumela na mina.

²⁶ Kutani va-Pentekostal va tile niku vulavula hi tindzimi, va, “Va na swona; un’wana ni un’wana loyi a vulavulaka hi tindzimi u na swona.” Ndza swi pfumela sweswo, na mina. Kambe hi kuma leswaku votala a va na Tona na swona hakunene, maswivona. Wa vona? Sweswi va na . . .

²⁷ Sweswi hi ta eka xihundla lexikulu lexi tumbetiweke kusukela loko misava yi tumbuluxiwele kutani sweswi xi paluxiwele eminkarhini ya makumu eka vana va Xikwembu. Ma swi pfumela leswaku i ntiyiso, leswaku vana va Xikwembu va kombisiwile xana? Hi nga si ya kun’wana, a hi pfuleni nyana eka va-Rhoma papila ra vu8, mi nge ni mi hlayela swin’wana. Hi vona loko leswi swi ta eka leswi a ndzi vulavula hi swona lahawani. Sweswi hi ya kuma va-Rhoma 8, vhesa ya vu19 ya—ya papila ra vu8 ra va-Rhoma.

Hikuva leswi vumbiweke hinkwaswo swi langutela . . . ku kombisiwa ka vana va Xikwembu.

²⁸ Hi ku langutela lokunene, ntumbuluko hinkwawo wu langutele ku kombisiwa. Wa vona, ku kombisiwa! Xana i yini ku kombisiwa xana? I ku tivisiwa!

²⁹ Misava hinkwayo. Va-Mohammedans lava nga lahaya, va langutele kona. Hinkwako, kun’wana ni kun’wana, va languterile kona. “Xana va le kwihi vanhu lava xana?” Hi twile hi . . . Hi twile hi ta moya wa matimba lowu a wu hunga, hi twile hi ku dzinda na rihati, hi twile hi oyili na ngati, hi twile hi tinxakaxaka ta swilo sweswo swo tala; kambe hi tsandzekile ku twa Rito nyana leri kokeke rinoko ra muprofeta, leri n’wi tsondzeleke hi ngoti kutani a huma, a ku, “Hi mina loyi, Hosi.” Wa vona?

³⁰ Sweswi ntumbuluko hinkwawo wu le ku konyeni niku rindzela ka ku kombisiwa ka vana va Xikwembu. Sweswi, Paul u ya eku sunguleni hi ku veka kereke laha ku yi fanelaka. Ntsena ku kuma masungulo sweswi, a hi hlayeni nakambe.

Paul, muapostola wa Yesu Krete hiku rhandza ka Xikwembu, ku ya eka vakwetsimi (valava hi “lava va kwetsimeke”) lava va nga eEfesa, ni . . . la tshembhekaka eka Yesu Krete:

³¹ Sweswi, swingaleswi klasi a yi nga swi rivali leswi, xana hi nghena njhani eka Krete? Xana hi joyina kereke loko hi lava ku nghena eka Krete xana? Xana hi endla profexini loko hi lava ku nghena eka Krete xana? Xana hi petiwa ematini loko hi lava ku nghena eka Krete? Xana hi nghena njhani eka Krete? Vakorinto vo Sungula, papila ra vu12, “Hi Moya

wu ri wun'we," wun'we, rito lerikulu M-o-y-a, laha ku nga Moya wo Kwetsima, "hinkwerhu hi khuvuleriwela eka Tiko ra xitshembhiso."

³² Eka Tiko leri ra xitshembhiso, xin'wana ni xin'wana i xa hina eka Tiko leri ra xitshembhiso. Xana wa swivona, Makwerhu Collins? Wa vona, xin'wana ni xin'wana lexi nga eTikweni ra xitshembhiso! Loko Israel ri perile Yordan, kuya etikweni ra xitshembhiso, ri lwerile xin'wana ni xin'wana!

³³ Sweswi tsundzukani, eka Tiko leri ra xitshembhiso, a swi vuli leswaku mi sawutile eka mavabyi, nakona sweswo a swi vuli leswaku mi sawutile eka mangava. Kambe swa ha vula leswi, (oho, a hi endleni leswaku leswi swi nwelela swinene), swivula leswaku, sweswo i swa n'wina! Ntsena yimani mi swi teka! Wa vona? Loko...

³⁴ Kutani, tsundzukani, ndlela yin'we ntsena leyi Israel yi nga tshama yi lahlekeriwa hi munhu, hiloko xidyoho xi nghena emixaxeni. Yaleyo hi yona ndlela yi ri yoxe leyi hi nga lahlekeriwaka hi—hi ku hlula, hiloko xidyoho xi nghena emixaxeni, kuna xin'wana lexi nga hoxeka kun'wana. Loko Akan a tava a yivile xuma ni nguvo ya Babilona, xidyoho xi ngenhile emixaxeni, kutani nyimpi a yi fambanga kahle.

³⁵ U ndzi nyika kereke leyi—leyi madyambu lawa, ntlawa lowu wa vanhu, lowu hetisekeke, ku hetiseka eka xitshembhiso xa Xikwembu, ni Moya wo Kwetsima, hi famba eMoyeni, ndzi ntlhlothla mavabyi wahi kumbe wahi niku xaniseka kwihi kumbe kwihi, kumbe xin'wana ni xin'wana lexi nga kona, Joe Lewis un'wana ni un'wana u lahaya etikweni, ni hinkwaswo swa yena leswi nga tshembhekangiki, kutani ni hinkwavo lava nga pfumeriki lava va nga lahaya, ku humesa mavabyi wahi kumbe wahi niku xaniseka kwihi kumbe kwihi hi nyangwa lowu, kutani va ta huma lahawani va ri lava hetisekeke. Ina, nkulukumba. Xikwembu xi nyikile xitshembhiso, ntsena xidyoho xa ku ka u nga pfumeri xi nga xi fambisela ekule. Sweswi hi ya eku languteni leswaku xidyoho nyana lexi i yini, endzhaku nyana, sweswi.

...lava va nga eka Yesu Krete:

Tintswalo a tive na n'wina, niku rhula, leti humaka eka Xikwembu Tatana wa hina, ni...Hosi Yesu Krete.

Ku kateka a ku ve eka Xikwembu ni Tatana wa Hosi ya hina Yesu Krete, loyi a hi katekiseke hi minkateko hi nkwayo ya ximoya etindhawini ta le matilweni ha Krete, ha—ha Krete:

³⁶ Loko hi ri eka Krete, hi ni minkateko ya ximoya. Ehandle ka Krete, hi ni vutitwi. Eka Krete hi ni ku kateka ka ntiyiso. Ku nga ri ripfumelo ro ti endlisa, ku

nga ri loku ku khomisaka tingana, ku nga ri ku ri veka emahlweni. Kambe tani hiloko ma ha ri eku ringeteni ka ku vula leswaku mi le ka Tiko ra xitshembhiso, kutani a mi tano, swidyoho swa n'wina swi ta mikumisisa. Kutani, xo sungula lexi mi xitivaka, mi ta tikuma mi xondovile ni—ni hinkwaswo, tani hilaha hi swi vitanisaka xiswona emisaveni, kuva ni mahlomulo. Mi ta kuma leswaku a mi na swona leswi a mi vulavula ha swona. Kambe loko mi ri eka Kreste Yesu, U mi tshembhisile ku rhula ka le Tilweni, mikateko ya le Tilweni, Moya wa le Tilweni, xin'wana ni xin'wana i xa n'wina. Mi le Tikweni ra xitshembhiso leri taleke hi ndzhaka ya xin'wana ni xin'wana. Amen. Swi sasekile njhani! Oho, a hi hlayeni.

Kuya hi laha xi hi hlawuleke . . .

³⁷ Sweswi, lahawani hilaha kereke yi nga na xirhalanganyi kona swinene.

Kuya hi laha xi hi hlawuleke ha yena . . . (eka Mani?)
Kreste!

³⁸ Ha swi kumisisa sweswi, endzhaku eka—eka Genesa ni le ka Nhluvutelo, Nhluvutelo 17:8, leswaku U hi hlawurile eka Kreste ku nga si va ni masungulo ya misava. Sweswi, rito . . . Mi nge ndzi hlaya leyi landzelaka.

. . . loko misava yi nga si tumbuluka, leswaku hi kwetsima kutani hi pfumala xisandzu emahlweni ka yena . . .

Loko xi hi hlawurile . . .

³⁹ Sweswi ndzi lava ku yima eka rito lero ra “ku hlawuriwa.” Sweswi, *ku hlawuriwa* a swi vuli leswaku, “ndzi ta hlawula Makwerhu Neville, kutani a—a—a—a—a ndzi nga hlawuli Makwerhu Beeler.” Sweswo a hi swona. I vutivi bya Xikwembu lebyi tivaka leswaku hi wihi la lulameke ni leswaku hi wihi la nga lulamangiki. Swingaleswi, hi vutivi, Xikwembu a xi swi tiva leswi a Xi ya eku swi endleni, Xi swi hlawurile hi vutivi bya Xona ku endla leswaku swilo hinkwaswo swi tirha kun'we eka vona lavanene lava rhandzaka Xikwembu, leswaku Xi nga ha va, eka nguva leyi nga tata, xi vitana swilo hinkwaswo kun'we eka Un'we, loyi a nga Kreste Yesu.

⁴⁰ Mi nge ndzi mi pfapfarhutela nyana xikombiso lahawani. Swi kahle. Hi tlhelela endzhaku, ndza pfumela leswaku hi vulavurile hi swona madyambu man'wana, kumbe ku swi khumbha, eka Genesa, papila ra vu1, 1:26, loko Xikwembu xi vurile Vito ra Xona, “Hosi Xikwembu,” swi kumeka eka rito El, Elah, Elohim, leswi swi vulaka “Yena la hanyaka a ri yexe.” A ku ri hava xin'wana lexi a xi hanya handle ka Xona ntsena. A kuri hava na moya, a kuri hava na kuvonakala, a

kuri hava ni tinyeleti, a kuri hava na misava, a kuri hava nchumu swin'wana. A ku ri ni Xikwembu, kutani Xikwembu ntsena, El, Elah, Elohim. Kutani, Xi swi endlile sweswo.

⁴¹ Endzeni ka sweswo a ku ri ni nkoka lowu a wu vula leswaku Xona a xi ri... Endzeni ka vukulu lebyi bya El, Elah, Elohim a ku ri na nkoka kumbe e... Maswitiva leswaku *nkoka* i yini, kumbe mi nge ni swi vula hi ndlela leyi, a ku ri “ntumbuluko.” Manuku swingaleswi nakulorhi lontsongo a ta kota ku swi kuma, kutani na mina a ndzi ri un'wana wa vanakulorhi lava ntsongo lava a va ta swi kuma hi ndlela yaleyo. Endzeni ka Xona a ku ri ni ntumbuluko lowu a xi tava tatana, kambe hi Xona lexi hanyaka xi ri xoxe, a ku na xin'wana lexi nga tiendlaka Tatana eka Xona. Kutani, sweswi, endzeni ka xona a ku ri ni swin'wana, laha a Xi ri Xikwembu; kutani xikwembu i xibye lexi ku gandzeriwaka eka xona; kambe a Xi ri lexi xi nga xoxe, El, Elah, Elah, Elohim, swingaleswi a ku ri hava nchumu lowu wu nga Xi gandzelaka. Endzeni ka sweswo, hi Xona Muponisi, kutani kwalaho a ku ri hava lexi lahlekeke xi fanelaka ku ponisiwa. Wa vona? Ehenhleri ka sweswo, hi Xona Muhanyisi, wa vona, kambe a ku nga ri na lexi vabyaka lexi a xi fanele ku horisiwa, kumbe xin'wana lexi fanelaka ku vabya. Kutani ma xi twisisa xifaniso lexi xana? Swingaleswi vunkoka bya Xona, ntumbuluko wa Xona wu humesa leswi swi nga kona namuntlha.

⁴² Vanhu van'wana va ri, “Kunene, xana hikokwalaho ka yini Xikwembu xi nga swi yimisanga emasunguleni?” “Xi ni mbilu ya tihanyi ya vuharhi,” ku vula Joe Lewis, un'wana loyi a soleke Joe, kumbe Jack Coe, wa vona. U teri, “Ntsena Xi ni mbilu ya tihanyi ya vuharhi. Kuhava xilo lexi va nge i Xikwembu. Loko a xi ri kona xilo xo tani hi xexo, a Xi tava xi ri...” Oho, ndzi... ntsena Xi vitaneni hi tinxaka hinkwato ta mavito, wa vona. Kambe ntsena kova hikuva a nga hava a ri ni vutivi byo tala ehenhla *lahawani*, kambe a nga na nchumu ehansi *lahawani*.

⁴³ Sweswi, leswaku, kwalaho hi laha a nga kona. Wa vona? Rito leri ra swivula *lahawani*, kutani Xi swi tumbetile. Kutani swihundla leswi swi tumbetiwiwe sweswi, tsundzukani, Bibele yi teri, “Kusukela loko misava yi tumbuluxiwa, ku rindzeriwile ku vonakarisiwa ka vana ya Xikwembu,” ku va kombisa eka kereke. Oho, mina! Ma swi kuma xana?

⁴⁴ Sweswi ndzi ta yima nyana eka xitorhi xa mina, kumbe ndzi ta tisa... ndzi ta ya eka ku anakanya ka mina loku ku landzelaka ku kuma leswi. Sweswi tsundzukani, eka tinguva ta Muxe hinkwato, endzhaku eka tinguva hinkwato ta vaprofeta, endzhaku eka tinguva hinkwato, va rindzerile ku kondza ku fika masiku lawa ya makumu ya kombisiwa ka swilo leswi, ku ya hi Matsalwa. Sweswo hi swona, eka swona

ku va swi hlavuteriwela vana va Xikwembu. Hikokwalaho ka yini? Kusakela eku lahlekeni...ku fikela laha ku fanaka ni phiramidi, tani hi laha ndzi vuleke, yi akiwa yi va ekusuhi, ekusuhi, ekusuhi.

⁴⁵ Tani hilaha ndzi toloveleke ku vula leswi, kutani ndzi ku, Xikwembu xi endlile Tibibele tinharhu. Yo sungula, Xi Yi vekile esibakabakeni, zodiaka. Xana mikale mi nga vona zodiaka xana? Xana hi xihhi xivumbeko xo sungula xa zodiaka xana? Wa nhwana. Xana hi xihhi xivumbeko xo hetelela xa zodiaka xana? Leo laha ku nga nghala. Xi tile ro sungula eka wa nhwana, Xi tile ra vumbirhi tani hi Nghala ya nyimba ya Yuda. Wa vona?

⁴⁶ Xi endlile yin'wana eka phiramidi, endzhaku emasikwini ya Enoko, loko va tava va endlile phiramidi. Kutani va tipimile. A ndzi swi twisisi. Kambe eka tinyimpi, loko va korhama ni ku kasa hi matsolo ya vona nkarhi wo leha, kutani va kota ni ku pima mpfhuka wa tinyimpi. Maswitiva leswaku hi kwihi laha va pimaka kona sweswi xana? Va pima ku hundza khokholo ra hosi. Kutani tani hi loko phiramidi yi ya ehenhla...Hi nga ka hi nga swikoti ku yi aka, ni swin'wana ni swin'wana leswi hi nga na swona namuntlha. Hi ngaka hi nga swikoti ku yi aka.

⁴⁷ Yi akiwile yi ya ehenhla tani hi *leswi*, ku ya fika emakumu. Kutani ni ribye ehenhla...Ribye ra xihuku a ri kalanga ri kumeka. A va kalanga va veka xihuku ehenhla ka phiramidi. A ndzi tivi loko miswitiva kumbe mi nga switivi, phiramidi leyikulu ya Egipta, a yi kalanga yi va ni ribye ra le henhla eka yona. Hikokwalaho ka yini? Ribye ra xihuku ri aleriwile, Kreste, Nhloko ya ribye, wa vona, ri aleriwile.

⁴⁸ Kambe tani hi laha hi kulaka eka nguva ya Lutheran, nguva ya Baptist, nguva ya Methodist, nguva ya Pentekostal, hi kumeka ehenhla eka Ribye leri ri ambaleke xihuku sweswi, wa vona, hi ri karhi hi rindzele ni rilaveta eka Ribye leri ambaleke xihuku leswaku ri tshama ehansi, muako wu hetisekile. Xana a mi kalanga mi hlaya eMatsalweni leswaku, "Ribye ri a riwile"? Hikuva, hi swi vonisisile leswaku sweswo a ku vulavuriwa hi tempele ya Solomon. "Kambe Ribye leri a riweke ri hundzukile Hosana ya yinhla." Kutani ndzi vula leswi ntsena hi ku mi endlilela xi—xi—xi—xi xifaniso.

⁴⁹ Sweswi, kutani eBibeleni, hi hanya emasikwini yo hetelela, ehenhla ka phiramidi, ku tsemekanya ka tinhlampfi eka nguva ya khensa eka zodiaka, hi nkarhi wa ku ta ka Leo ng nga nghala, eka ribye leri ambaleke xihuku, ni le masikwini ya ku kombisiwa ka vana va Xikwembu, eBibeleni, wa vona. Xana ma ku vona laha hi nga kona xana? Hi le minkarhini ya makumu.

⁵⁰ Xana i vangani lava hlayeke phepha vhiki leri, xana Krushchev na van'wana va teri yini? Oho, va ti lulamiserile;

switano na le ka hina. Amen. Hi ti lulamiserile! Swi kahle, wa vona. Oho, xana i—xana i—xana i nkateko wa njhani, siku rihi! Loko Vakreste va nga lemuka siku leri hi hanyaka eka rona. Mina!

⁵¹ Xana mi ehleketa yini? Mutsari wa Buku leyi, loyi a swi voneke, ni ku vona hilaha swi nga ta kombisiwa ha kona emasikwini ya makumu, eku rindzeleni ni le ku konyeleni ka vana lava va Xikwembu leswaku va pfuka emasikwini ya makumu, hi matimba ya Moya wo Kwetsima emakun'wini ya nguva, ku hlavutela swilo swa swihundla kusukela emasunguleni ya misava, ku swi humesela ehandle.

⁵² Sweswi a hi tlheleleni endzhaku eka “masungulo ya misava” nakambe, ku ya kuma nhlavutelo, hi vona loko hi ri ni ntiyiso kumbe hi nga ri na wona. Ndza tshembha a ndzi ti endleli xisandzu loko ndzi vitana Xikwembu leswaku, “Papa,” kambe ndzi lava ku swi veka hi ndlela leyi mi nga ta swi twisisa. Papa! Papa u lavile vana, xana U endlile yini? U teri, “A ku ve ni Tintsumi.” Kutani ti ta ti N'wi rhendzela. Oho, sweswo swi kahle. Ti Xi gandzela, kutani a Xi ri Xikwembu, xa Mintumbuluko. Tsundzukani, a Xi ri El (E-l), Elah, Elohim, yena loyi a nga yexe, ku ri hava swin'wana kambe Xona ntsena. Xo sungula lexi xi nga humelela akuri Tintsumi. Kutani, Tintsumi a ti nge endli nchumu handle ko gandzela. Ti ngaka ti nga lahleki. Swingaleswi, Ti ngaka ti nga vabyi, a Ti ri swivumbiwa leswi nga riki ni makumu. Swingaleswi, a Xi nga ta swikota ku kombisa matimba ya Xona yo hanyisa, a Xi nga ta swikota ku kombisa kuponisa ka Xona. Swingaleswi manuku, endzhaku, sweswi a hi . . .

⁵³ Manuku endzhaku ka sweswo, Xi teri, “Hi ta endla xin'wana lexi khomekaka.” Swingaleswi Xi endlile misava. Kutani loko Xi tava xi endlile misava, Xi endlile swivumbiwa hinkwaswo swa misava, hiloko Xi endla wanuna. Xin'wana ni xin'wana lexi humaka emisaveni; xi sungula hi—hi vuluvulu kumbe ndhuhgula, ntsena xivumbeko xa nyama leyi yi papamalaka ematini, xi sungurile kwalahaya, ku ya . . . kusuka kwalaho ku ya eka xidula, laha ku nga ntlawa wun'wana wa le hansi hi vutomi lowu hi nga wu kumaka, va koxa leswaku, i xidula. Ntlawa wa le henhla ngopfu i xivumbiwa xa munhu. Kusuka eka xidula ku endlile nkolombyana, kusuka eka nkolombyana niku ya emahlweni ni le mahlweni ni le mahlweni, kutani minkarhi hinkwayo Moya wo Kwetsima a wu sungula ku “whoosh,” wu hefemula, vutomi byi vuya nakambe; “whoosh,” vutomi lebyikulu. Kutani xo sungula, xin'wana xi humelela hi xivumbeko xa Xikwembu, kwalaho a ku ri wanuna. Kuhava lexi nga tshama xi va kona, a xi tshamanga xi va kona, a xi nge he pfuki xi tumbuluxiwile nakambe, xin'wana ni

xin'wana lexi nga va ka ehenhla kutlula wanuna, hikuva wanuna u le ka xivumbeko xa Xikwembu. Wa vona? Kutani wanuna...

⁵⁴ Loko Xi tava xi endlile wanuna wa Xona wosungula. Sweswi, loko Xi ti endlerile swivumbiwa swa Tintsumi... Xi endlile wanuna, "Xi tumbuluxile wanuna loyi a nga wansati hi tlhelo rin'wana," hinkwavo va ri eka xivumbeko xa un'we. A ri havumbirhi wanuna ni wansati, vusati ni xinuna. Loko Xi tava xi endlile Adam xi n'wi veka enyameni... tsundzukani eka Genesa 1, Xi endlile wanuna ni wansati. Kutani eka Genesa 2, a ku nga ri ni wanuna loyi a ta rima misava, wanuna wa nyama. A ku nga ri ni wanuna loyi a ta endla swin'wana niku rima misava, kambe hambi swi ri tano a ku ri ni wanuna hi xivumbeko xa Xona. "Kutani Xikwembu i..." [Nhlengeletano yi ku, "Moya"—Muhleri.] Sweswo hi swona. Wa vona? Xi endlile wanuna wo sungula, "wa xinuna ni wa xisati Xi va tumbuluxile va ri kun'we." Sweswi, loko Xi tava xi endlile wanuna wo sungula!

⁵⁵ Sweswi, tsundzukani, hinkwaswo ka swona a Xi ri na swona emiehleketweni ya Xona. Kutani hi Sonto ni madyambu ndzi vulavurile ha swona sweswo. Ri—ri rito i nhlamuselo ya mianakanyo. Xikwembu Xi anakanyile leswaku xi nga va Xikwembu njhani, leswaku Xi nga gandzeriwa njhani, Xi nga va Muhanyisi njhani, Xi nga va Muponisi njhani; kutani tani hiloko Xa ha vulavurile Rito, swihetisekile hilaha ku nga heriki. Oho, loko vana lava va Xikwembu va nga khomelela eka Rito lero hi ndlela yaleyo. Loko Xikwembu xi vula Rito, ra hetiseka! Hi ku hetiseka! Swi nga ha endleka Xi rindzerile... Khuronoloji yi vula tano, kumbe achelojisti ni hinkwavo, va koxa leswaku kumbexana misava a yi ri timiloyini ni timiloyini ni miloyini. A ndzi tivi, kumbexani yi nga hava yi ri ti thiriyoni ni ti thiriyoni ta malembe. A ndzi tivi leswaku i ya khale ku fika kwihi. Xikwembu a xi tikombisi hi nkarhi. A Xi kalanga xi va ehansi ka xinkadyana kutlula loko Xi tava xi swi endlile loko Xi swivurile. Xa ha ri Xikwembu. A kuna nkarhi eka Xona.

⁵⁶ A ndzi kalanga ndzi switiva sweswo tani hi sweswo ku kondza madyambu man'wana, ni mixo wun'wana, kumbexani. Laha ku nga heriki, ku nga ri ni tolo, ku nga ri ni mundzuku, hi hinkwavo ma tshama ma ri sweswi. Xana mikale mi nga ri xiyisisa rito "HI MINA"? Ku nga ri "A ndzi ri" kumbe "Ndzi ta va." Ri hilaha ku nga Heriki, "HI MINA!" Wa vona, "HI MINA" minkarhi hinkwayo!

⁵⁷ Sweswi, kambe Xi lavile ku veka swilo hi nkarhi. Xi lavile ku endla leswi xi nga xi gandzelaka, swingaleswi Mintumbuluko ya Xona yi humesile leswi. Kutani Xi endlile wanuna. Kutani, eka wanuna loyi, a languteka a ri

ni xivundza. Swingaleswi, sweswi, ku kombisa miehleketo ya Xona leyikulu, leyi a Xi ri na yona eka xifaniso xa Kreste ni Kereke, a Xi kalanga xi teka vumba nyana byi ntsongo kutani xi endla wansati, kambe Xi tekile etlhelweni ra Adam, rimbambu; kutani xi teka moya eka Adam, wa vusati, xi wu ngenhisa eka rimbambu leri. Loko mi vona wanuna loyi a nga na maendlelo ya vusati, ku na swin'wana leswi hoxekeke eka yena. Ni loko mi vona wansati loyi a lavaka ku va ni maendlelo ya wanuna, ku na swin'wana swi nga hoxeka. Wa vona, ku na swin'wana swi nga hoxeka. Ku ni mimoya yi mbirhi leyi hambaneke, eka vona hinkwavo. Kambe, havumbirhi, va endla xilo xin'we, "lavambirhi va un'we." Swingaleswi Xi endlile wansati ni wanuna, nakona a va nga ri lava a va ta dyuhala, a va nga ta fa, a va nga ta basa tinhloko, a swi nga ta endleka. A va dya, a va nwa, a va etlela, tani hi leswi hi swi endlaka, kambe a va kalanga va swi tiva leswaku xidyoho i yini.

⁵⁸ Sweswi ndzi ta tsemekanyela lahawani eka dyondzo yin'wana nkarhi wu n'wana, eka mbewu ya nyoka. Laha, va ndzi komberile ku swivula sweswo. Kambe mi nge ndzi vona un'wana a ta a ta ndzi komba swin'wana leswi hambaneke. Sweswo hi swona leswi ndzi swi lavaka ku switiva, wa vona.

⁵⁹ Sweswi, endzhaku ka leswi hinkwaswo, loko xidyoho xi ngenhile, xana ku humelerile yini?

⁶⁰ Hi ndlela ya halahaya, ya le henhla, ka miliyoni, ni dzana ra timiliyoni ta timayili, ku ni ndhawu leyikulu, kutani *yaleyo* i ku hetiseka ka rirhandzu ra agapawo. Minkarhi hinkwayo loko u famba hi ndlela *leyi*, xa lala xitlhela xi va lexintsongo. Kutani maswitiva leswaku vuntsongo bya xona byi tava njhani loko ku fika nkarhi wa xona wo nghena emisaveni. I ndzhuti wa ndzhuti wa mindzhuti. Lero hi leri mi nga na rona, lero hi leri ndzi nga na rona, ndzhuti wa ndzhuti wa mindzhuti ya rirhandzu ra agapawo.

⁶¹ Ku ni swin'wana eka n'wina, ku ni swin'wana eka un'wana ni un'wana wa vavasati lava nga lahawani lava nga hundza eka makume mbirhi, ku ni swin'wana lahawani eka un'wana ni un'wana wa vavanuna lava nga hundza eka makume mbirhi, leswi nga ta sala nkarhi wo leha. Ntsena ma ha ri ni malembe ya ntlhanu, lama sukaka eka khume ntlhanu ku ya eka makume mbirhi. Endzhaku ka makume mbirhi mi sungula ku fa. Kambe, ku sukela eka khume ntlhanu, ntsena mi va mi ri vana lava nge kondlo a hi dyi ku fikela sweswi. Kutani mi va mi vupfile loko mi ri ni makume mbirhi. Kutani endzhaku ka makume mbirhi, oho, mi ri, "Ntsena ndzi kahle tani hi wanuna." Ntsena mi vula sweswo, kambe a mi xiswona. Mi le ku feni ni ku tshwa, swi nga ri na mhaka leswaku mi endla yini. Xikwembu xi mi endlerile ku fika eka xiyimo xexo, kambe kutani mi ya eku feni. Xani ku humelela yini sweswi?

Sweswi mi sungula ku fa, kambe kwalahaya ku ni swin'wana eka n'wina leswi nge, "Ndzi lava ku tlhela ni va na khume nhungu nakambe."

⁶² Sweswi ndzi lava ku mi vutisa swin'wana. Xana a ku ta humelela yini loko a mi tswariwile malembe ya ntlhanu wa madzana lama hundzeke, kutani mi tshama ma ha ri ni khume nhungu wa malembe kufikela namuntlha? Loko a mi nga ri lava khale, ni miehleketi ya n'wina ya malembe ya ntlhanu wa madzana lama nga hudza! Ku nga se tshama ku fika va endzi va vatatana lava va nga tshama va fika lahawani, kutani a wa ha ri nhwana lontsongo wa miehleketi ya muxaka wa lowo. Hikokwalaho ka yini, mi endla swo antswa ntsena loko mi ya emahlweni ni ku kumeka mi dyuhala niku hanya malembe ya ntlhanu wa madzana. Wa vona, ku ni swin'wana leswi nga hoxeka.

⁶³ Mi ri, "Kunene, sweswi ndzi titwa ndzi sasekile swinene, Makwerhu Branham. Oho, ndzi—ndzi—ndzi na khume nhungu, ndzi na khume ntsevu, ndzi ti twa kahle." Murhandziwa, u nge ndzi ku byela swin'wana. Xana u switiva njhani leswaku manana wa wena wa hanya eka xinkadyana lexi, loko a nga ri kona lahawani ekereke xana? Xana u switiva njhani leswaku jaha ra wena leri u rhandzanaka na rona a ri dlayiwanga eka xinkadyana lexi hundzeke, kumbe ntombhi ya wena leyi u rhandzanaka na yona xana? Xana u switiva njhani leswaku ni mixo u tava u nga ri ntsumbu endlwini ya wena xana? Xana u switiva njhani leswaku u ta huma laha kerekeni, wa ha ri la hanyaka xana? I swilo leswi nga kanakanisiki. A kuna lexi nga kanakanisiki. Loko u ri ni khume ntlhanu, khume mbirhi, khume nkaye, makume nkombo-ntlhanu, kumbe makume nkaye, ku ni...swin'wana ni swin'wana leswi nga kanakanisiki. A wu ku tivi laha u nga yima kona. Kambe wa ha tsakela ku thlelela endzhaku eka khume ntlhanu, ni khume nhungu. Xana i yini leswi swi ku endlaka leswaku u endla sweswo?

⁶⁴ Sweswi, loko mi nga thlelela endzhaku eka khume nhungu niku tshama kwalahaya, kutani mi nga ha vabyi niku ka mi nga ha...mi fanele ku tikumela vanhu van'wana lava mi nga tava na vona, hikuva mi kulela eka byona, wa vona. Vanhu va ta ya emahlweni eka tinguva tin'wana kutani mi tava mi ri vanhu va khale. Mi ta nyanya ku tlula leswi a swi ri xiswona loko mi ya emahlweni ni ku dyuhala na vona. Kambe ku ni xin'wana lexi mi vitaneke ku va kwalahaya. Lero hi rona rirhandzu leri ntsongo ra agapawo, ndzhuti nyana walowo lowu wu mi endlaka...Xin'wana ehenhla lahawani.

⁶⁵ Sweswi, madyambu man'wana, kumbe mixo wun'wana, hi awara ya nkombo, loko Moya wo Kwetsima, hi vunene bya Xona ni hi tintswalo ta Xona, swi ndzi tekile kusuka eka miri

lowu, ndza pfumela, ndza pfumela. Ina kumbe ee, a ndzi vuli leswaku, ndzi ngenile eka tiko lero kutani ndzi vona vanhu valavo, kutani hinkwavo a va ri lava ntsongo. Kutani ndzi vonile vanhu vo saseka ngopfu lava a ndzi nga si tshama ni va vona evuton'wini bya mina. Kutani Xi teri eka mina, "Va n'wana va vona a va ri ni makume nkaye wa malembe hi vukhale. Hi lava u nga va hundzula. A swi hlamarisi loko va huwelela va ku, 'Makwerhu wanga! Makwerhu wanga!'"

⁶⁶ Sweswi, walowo i miri wale tilweni, leswaku loko hi fa a hi vi miri wa le henhla, hi va miri wa laha misaveni. Loko hi pfumela, un'wana ni un'wana, loko a fa, loko bomo ya athomiki yi nga hi bulukela hi xinkadyana lexi, hi ntlhanu wa timinetse kusukela sweswi hi tava hi ri karhi hi tlhavulana ni ku vukarhana, ni ku huwelela nikuya emahlweni, ni ku kwetsimisa Xikwembu! Ina, nkulukumba. Kutani Buti ni Sesi Spencer va ha tshamile lahawani, ndza vhumba leswaku hi van'wana va va tekani vakhale lahawani, va tava ni khume nhungu, makume mbirhi wa malembe hi vukhale. Makwerhu Neville u ta va ntsena a ri xifanyetana, kutani mina ndzi tava ricece. Kutani hinkwerhu hi tava... Sweswo swi fana ni Ntiyiso lowu. "Loko tabernakele leyi ya laha misaveni yi ta n'oka, hi ni yin'wana yi hi rindzeleke."

⁶⁷ Loko n'wana lontsongo a tswariwa eka mana wa yena, tani hi ku tswala ka ntumbuluko, ximidyani xa yena xi va xi tshukunyuka ni milenge leyi yi raha-raha, ni kuya emahlweni. Ndzi khomeleni leswi ndzi nga swi vekisa xiswona, n'wina vavasati lava ntsongo. Kambe, loko swi tava swi endlelike, xi va ni vutomi lebyi fambaka eminsiheni. Kambe loko xi ta emisaveni, xo sungula, xi kuma ku hefemula, kutani kwalahaya kuna miri wa ximoya wa ntumbuluko lowu wu taka eka n'wana ya loye xikan'we kan'we. Byi ta xi tshika xi ri xoxe, xi ta teka xinhlokwana xa xona xi dliwa-dliwa mavele ya mana wa xona kutani xisungula ku a n'wa. Loko xi nga endli swona sweswo, mafi ya nga ka ya nga humi.

⁶⁸ Xana mikale mi nga xiyisisa loko xirhodyana xa ha ku tswariwa, xi... tani hi loko xi kuma ntamu lowu eneleke ku va xi yima hi milenge ya xona? Xana i mani loyi a xi byelaka? Xi ya eka mana wa xona, xi sungula ku rhokoja kutani ximama. Oho, ina!

⁶⁹ Tani hi loko, miri lowu wa laha misaveni wu tisiwile lahawani, ku ni miri wa ximoya lowu wu nga wu rindzela. Kutani tani hiloko... Oho, haleluya! "Kutani loko tabernakele leyi ya laha misaveni yi tava yi n'okile, ku ni yin'wana leyi yi nga rindzela lahaya." Ntsena tani hiloko hi huma eka leyi, hi ya nghena eka leyi n'wana; leyi yo ka yi nga laveku ku nwa mati yo titimela, leyi yo ka yi nga nweki mati; leyi yi nga dyiki, a hi ya ntshuri wa misava. Kambe ntsena i ya ntiyiso, kutani

yi nga ha twa niku tlhavulana hi mavoko, ntsena ni rirhandzu kutani xin'wana ni xin'wana xi va lexi nga hetiseka. Kutani miri walowo wu rindzerile lahaya. Wu xiave xa wona. Ku ni tinharhu ta tona.

⁷⁰ U sungula Vutomi bya wena lebyi nga Heriki kwalahawani e altareni. Lahawani hi kona laha u sungulaka vutomi lebyi nga Heriki. Oho! U sungula Vutomi lebyi nga Heriki kona kwalahawani. Kutani u tava u tswariwile ra vumbirhi, n'wana wa Xikwembu. Kutani loko u fa, u sungula... Loko rifu ra wena ri ku tlhava eka miri lowu ni mbilu yi yima ku ba, ni mavhilwa lawa ya helaka ya sungula ku yima ya nga ninginiki, xindzhutani lexiya a xi ri ndzhuti wa ndzhuti, hi sekondo yin'we wu va ndzhuti wa ndzhuti, kutani lexi landzelaka kuva ndzhuti, kutani ku ta ku khuluka nyana, ku landzela xinkobyana, ku landzela nambu, kutani ku landzela lwandle, kutani endzhaku ka xinkadyana nyana u tava u yimile emahlweni ka varhandziwa va wena halahaya, mi ambarile tinguvu ta mi miri ya le tilweni, laha mi nga ta tiva un'wana ni un'wana, mi nga ta rhandza un'wana ni un'wana, laha mi nga ta tlhelela eka wanuna lontsongo ni wansati lontsongo nakambe. Hi swona ha kunene. Wu ta rindzela kwalaho ku kondza ku vuya Hosi Yesu. Kutani siku rin'wana ra ku kwetsimisiwa ka miri wa Xona... Sweswi tsundzukani, lowu i miri wa le tilweni, ku nga ri lowu nga kwetsimisiwa, miri wa le tilweni. Kutani siku rin'wana miri lowu wa le tilweni wu ta siya Tilo na Yesu.

⁷¹ “Hikwalaho ndzi vula leswi eka n'wina,” va-Tesalonika va Vumbirhi, papila ra vu5, kumbe va-Tesalonika vo Sungula, papila ra vu5, yin'we ya tona eka leti mbirhi, “Ndzi ri eka n'wina, kambe a ndzi rhandzi, vamakwerhu, leswaku mi nga tivi timhaka ta lava tietleleleke, mi nga ta vaviseka, kukota van'wana lava nga riki na ku tshembha. Hikuva loko hi pfumela leswaku Krete a file a tlhela a pfuka hi siku ra vunharhu, nakona hi fanele ku pfumela leswaku lava etleleke Xikwembu xi ta va pfluxa ha Krete xi va vuyisa na Yena. Hikuva ha mi byela leswi hi rito ra Hosi leswaku, loko hi ri hina lava nga ta hanya lava nga ta salela ku ta ka Hosi, hi ngaka hi nga rhangeli lava etleleke” (rito lerinene) “hi nga ka hi nga rhangeli lava etleleke. Hikuva mhalamhala ya Hosi yi ta twala, kutani lava feleke ka Krete va ta rhanga va pfuka.” Mi miri leyi ya le tilweni yi ta xikela ehansi yi fika yi ambala leyi ya laha misaveni, mi miri leyi yi kwetsimisiweke. “Kutani hina lava hanyaka lava hi saleke hi ta ncinciwa hi xinkadyana, hi ku copeta ka tihlo, hi ta tekeriwa mapapeni swin'we na vona, ku ya hlangana ni Hosi e mpfhukeni.”

⁷² “A ndzi nga ha nwi leswi velekiwaka hi vinya ku ko ku fika siku leri Ndzi nga ta swi nwa na n'wina swi ri switshwa e Fun'weni wa Tatana wa Mina,” Xilalelo xa Nkhuvo wa vukati.

Hikuva hi malembe manharhu ni hafu anti-kreste u tava a heta ku fuma ka yena, misava hinkwayo yi herisiwa, va-Yuda va vitaniwa, Yosefa a ti kombisa eka Vamatiko, kumbe eka va-Yuda. Tsundzukani, loko Yosefa a ta tikombisa eka va makwerhu, a kuri hava ni un'we wa Vamatiko loyi a ri kona. Loko a ta rhumela... Ma xi tiva xitori. Yosefa, muxaka lowu wu hetisekeke wa Kreste, hi mikhuva hinkwayo. Kutani loko Yosefa a tava a rhumerile vamakwavo va yena, kutani va vuyile, kutani u langutile a vona Benjamin lontsongo, kutani u va langutile kwalahaya kutani a... Va teri, "Hikokwalaho ka yini, nakulorhi loyi! A hi—hi fanele hi nga n'wi dlayanga makwerhu wa hina, Yosefa." Va-Yuda va swivona leswaku a va endlile xihoxo; sweswi loko Kreste, loko A ti tivisa eka vona hi Yexe. Kutani Yosefa a talelwa, mihloti yi va, ekusuhi, kutani a ntshunxa nsati wa yena ni vana va yena, ni varindzi hinkwavo ni hi nkawo, kutani a va rhumela exigotlweni xa yena. Hi swona hakunene. Nakona emahlweni ka va-Yuda ntsena, a ku, "Hi mina Yosefa, makwerhu wa n'wina. Ndzi makwerhu wa n'wina." Kutani wa wile va sungula ku rhurhumela, va ku, "Sweswi ha swi twisisa leswaku hi ta swikuma, hikuva hi dlayile makwerhu wa hina. Hi teri hi dlayile makwerhu wa hina, kutani sweswi i hosi leyi leyikulu."

⁷³ A ku, "Xikwembu xi swi endlile hi xikongomelo, xa ku ponisa vutomi." Xexo hi xona xivangelo hakunene xa Xikwembu ku va xi swi endlile, ku ponisa hina Vamatiko. Kambe Vamatiko a va ri eka xigodlo. Haleluya! Xa ku va a tshikiwile hi vamakwavo va Yena, Yosefa, U tekile Mutekiwa; nakona Mutekiwa a ri wa Matiko, ku nga ri mu-Yuda. Hiswona.

⁷⁴ Sweswi, mi ta switiva kwihi xana? Endzhaku kaloko hi vekiwile eka miri lowu wo kwetsima, ni nguva leyikulu leyi yi nga ta ta; loko miri lowu wu nga kwetsimisiwa, miri lowu wa le tilweni lowu wu endlweke miri lowu kwetsimeke. Maswikuma leswi ndzi swivulaka xana? Kutani ndzi nga ha ya emahlweni ndzi ku, "Makwerhu Neville!" Mi nge ndzi mi nyika xikombiso nyana. Ndzi ku, "Makwerhu Humes, a hi yi eka Papa mixo lowu." Hi Xona Xikwembu. Ha Xi tiva sweswi, hi Xona Muponisi, hi Xona Muhanyisi.

⁷⁵ A ku kalanga kuva ni xo fana ni xexo tani hi ku tumbuluxiwa ka xidyoho. Xana sweswo a swi yanga ehansi swi ri kahle, a swi nga ri tano? Xidyoho a xi ntumbuluxiwanga. Ee, nkulukumba! Xidyoho i ku encenyeta. Ku ni Mutumbuluxi un'we ntsena, loyi a nga Xikwembu. Xidyoho i ku encenyeta leswinene. Xana vuoswi i yini? Ku encenyeta leswo lulama. Xana vunwa i yini? Ntiyiso lowu wu nga vuriwangiki kahle. Kunene-nene. Xana rito leri rhukaniweke i yini? I minkateko ya Xikwembu leyi hundzuriweke rito leri ri rhukaniweke eka Xikwembu, ematshan'wini ya ku kateka. Xidyoho a xi

tumbuluxiwanga. Xidyoho i ku encenyeta. Swingaleswi, Sathana a nge swikoti ku tumbuluxa xidyoho, ntsena u encenyeta leswi Xikwembu xi nga swi tumbuluxa. Sweswo hi swona. Rifu ntsena i ku encenyeta ka vutomi.

⁷⁶ Sweswi xiyisisani leswi, xiyisisani leswi. Kutani ndzi ta ya emahlweni, ndzi ku, “Makwerhu Humes, a hi nge wena na mina, na Makwerhu Beeler ni van’wana va makwerhu, hi ya eka Papa, Xikwembu. Kutani, ndzi ku, a hi tekeni xirendzwani nyana. N’wina vafana lava mi rhandzaka tintshava loko mi. . .”

“Ina, hi swi endlile hakunene.”

⁷⁷ “Oho, ku ni mamiliyoni yo tala ya tona lahaya emisaveni leyi ntshwa. Yanani eka tona, famba-fambani eka tona.”

⁷⁸ “Ndzi fanele ku...?. . .loko dyambu siku rin’wana ni rin’wana, ri va ehenhla. Ndzi ta mi yingisela. Loko va ha vulavula, ndzi ta yingisela.” Esaya 66. Yaleyo hi yona.

⁷⁹ Kutani maswitiva, ndzi le ku humeni kwalahaya, hi nkwerhu ka hina hi le ku humeni kwalahaya kuringana kwalomu ka ntlhanu wa madzana ya malembe, ntsena xirendzwani nyana, miliyoni, a yi kali yi endla ku hambana, wa vona. Kutani sweswi—sweswi swi twakala tani hi milorho, kambe i ntiyiso. Wa vona, i ntiyiso, hikuva a ka hari ni nkarhi, swi hi laha ku nga Heriki. Kutani loko ndzi huma kwalahaya, ndzi famba ndzi rhelela hi kwalahaya, kutani maswitiva leswaku ndzi—ndzi—ndzi hlanganile na mani kwalahaya xana? Ndzi ku, “Kunene, loko ku nga ri Sesi Georgie Bruce! Hikokwalaho ka yini, Sesi Georgie, i nkarhi wo leha kusukela loko ndzi tava ndzi ku vonile.” U languteka tani hi ntolovelovelo. Wa vona? A nga hava a ri ni khume ra mamiliyoni wa malembe hi vukhale, kambe ntsena a ri ntsongo tani hi laha a nga tshama a va ha kona. A ri eku n’wayeni ka un’wana enhlanini, kutani ndzi langutile kwalahaya, a ku ri cheetah, nghala.

Ndzi ku, “U njhani mixo lowu, cheetah?”

⁸⁰ “Miyawu,” tani hi ximanga nyana. “Oho, a ndzi ri kwalahaya ni ri karhi ni vulavula ni va sesi va n’wana lava a va rhendzerile swiluva swin’wana leswi kulu kwalahaya, hi vile kwalahaya ku ringana ntlhanu wa madzana wa malembe, wa vona, hi ri eku swi languteni.” Sweswi, swi twakala swi ri milorho, kambe i ntiyiso. Sweswo hi swona. Yaleyo hi yona ndlela leyi Xikwembu xi swi anakanyiseke xiswona.

⁸¹ Kunene, a ku katekisiwe mbilu ya wena, Sesi Georgie. Kuhava lexi xi chavisaka xi nga ta ta, ku hava nchumu. Hi nkarhi wa ni madyambu hi taya enhlohlorhini ya ntshava, hi ya ku, “O Papa, Xikwembu, a ndzi lahlekile. Oho, a ndzi ri endzhopeni ya vudyoho, Papa, Xikwembu, kutani U ndzi ponisile.”

⁸² Hikokwalaho ka yini, vanhu lava va nga ringeta ku hlamusela sweswo va hlanganile nhloko. Kunene, wanuna

ya loye a nga tsala vheshe yo hetelela ya ku *O Rirhandzu Ra Xikwembu*, leyi yi damarhetiweke ekhumbhini ra muako wa lavo hlanguana nhloko, loyi a ringeteke ku hlamusela rirhandzu ra Xikwembu. Leswi A nga korhamisa xiswona ku ponisa va dyohi, ni leswi A nga swi endlisa xiswona sweswo, rirhandzu ra Yena leri ri nga ta emisaveni ku ta ponisa n'wina na mina. Hi vulavula hi ku gandzela, Tintsumi a ti tivi nchumu ha swona! Ku gandzela, Ntsumi yi tiva ntsena ku... Yi yima lahaya yi kavata timpapa ta Yona endzhaku nale mahlweni, nale matlhelo, "Haleluya! Haleluya!" Kambe, oho, tintswalo! Loko swi ta eka ku tiva leswaku a ndzi ri la lahlekeke kutani sweswi ndzi kumekile, a ndzi file, kutani ndza hanya nakambe! O Xikwembu, a ndzi ri xidyohi, a ndzi ri ridaka, nakona a ndzi ri etaleni!

⁸³ Hi lebyi vutomi lebyinene lebyi ndzi byi nyikaka n'wina. Xana mi kale mi ya etaleni ra Colgate? I ndzhawu leyi yi nuhwaka ngopfu leyi ndzi nga se tshamaka ndzi va eka yona. Musi wa lowo wa khale ntsena wu ndzi hlambisa timbilu loko ndzi wu nunhwetela. Ku pavalala kwalahaya eka musu wa lowo wa khale, ni kuva u karhatiwa hi le ndzeni, ntsena ku jika endzeni u tlhela u huma, endzhaku ka loku u tekile mafurha ya nhlamfurha. Wa vona, ntsena tani hi ku vabya tani hilaha u nga vaka ha kona! Kutani ni makondlo ya ri eku mi khandiyeni khandiyeni, ma ringeta ku mi dya. Kutani byebyo i vutomi lebyi antswaka. Kutani un'wanyana a fika a mi rhwala. Kutani mi dyuharile mi nga ha swikoti ku tipfuna hi n'wexe. Kutani ntsena a mi rhwala a mi tlherisela eka jaha ra khume nhungu wa malembe hi vukhale, a mi veka enhlonhlorini ya tshava, ni rihanyo leri ri blomaka, mina, ku hefemula ka moyala lowo tenga hi ndlela yaleyo, ni ku nwa mati lawo titimela. Xana mi nga ha swilava ku tlhelela eka tala leriya nakambe? A swi nge endleki, a swi nge endleki, a swi nge endleki, a swi nge endleki ku tlhelela etaleni leriya nakambe.

⁸⁴ Sweswi, sweswo hi leswi swi vulaka swona, munhgana. Sweswo hi leswi xivono xexo, kumbe vuhundzuluxi byebyo, hambi ku nga va yini, xivono. Ndzi ta ku i xivono, hikuva ndzi chava ku vavisa van'wana loko ndzi nga ku i vuhundzuluxi, sweswo hi leswi a swi ri xiswona. Sweswi, kwalaho hi laha Xikwembu... leswi Xikwembu xi swi endleke ku tisa vana va xinuna ni vaxisati eka Xona. Sweswi, xana hi vahi vanhu lava? Xana va kale va nga... Xana vanhu lava va endlile yini ku faneriwa hi leswi? Xana va swi endlisile ku yini? Xikwembu, emasunguleni, ku nga si edliwa hambi yi ri Ntsumi... Xana i vangani lava va swi tivaka leswaku Xona i xa nkalamakumu?

⁸⁵ Sweswi, n'wina vamakwerhu va vunharhu bya tilo, a ndzi lavi ku mi khunguvanyisa, kambe njhani eka Vito ra kahle ra Rito ra Xikwembu ku va mi veka Yesu tani hi munhu loyi a tiaveke eka Xikwembu xona hi Xoxe? Loko Yesu a

nga teka munhu un'wana kutani a n'wi endla loyi a faka, ku kutsela munhu loyi lahawani, A tava a ri xivumbiwa lexi nga hetisekangiki. Ku ni ndlela yin'we ntsena leyi Xikwembu xi nga tshama xi yi endla, i kuva xi teka ndzhawu xona hi Xoxe! Kutani Xikwembu xi va nyama leswaku Xi ta ringa switlhavi swa rifu, kususa ndzhombho ni rifu eka hina, leswaku hi nga ha kutsuriwa hi Xona N'winyi. Leswaku Xi ta gandzeriwa. Yesu a ri munhu, hakunene A ri tano. A ri munhu, m-u-n-h-u, loyi a nga tswariwa hi wa nhwana Maria. Kambe Moya lowu a wu ri eka Yena a ku ri Xikwembu lexi nga pimiwiki, eka Yena a ku tshamile ku hetiseka ka miri wa Vukwembu. A Xi ri Yehovha-yire, a Xi ri Yehovha-rhapha, a Xi ri Yehovha-manase, a Xi ri Yehovha; Xitlhangu xa hina, Xisirhelelo xa hina, Muhanyisi wa hina; a Xi ri Alfa, Omega, Masungulo ni Mahetelelo; a Xi ri lexo Sungula, ni lexo Hetelela; a Xi ri Kona, Lexi Xi nga Kona, nakona lexi Xi nga ta Vuya; Rimintsu ni Swimintswana swa Davida, Nyeleti ya ni Mixo, hikokwalaho ka yini, a Xi ri Hinkwaswo eka hinkwaswo. Eka Xona ku tshamile ku hetiseka ka miri wa Vukwembu!

⁸⁶ Kutani rifu minkarhi hikwayo ri ni ndzhombho, lowu wu tlhavaka vanhu, "Aha," Javulosi u ri, "Ndzi mi kumile, hikuva ma ndzi yingisela. Ndzi ta mi tlhava hi wona, ndzi ni veka esirheni. Ngati yaleyo ya nyimpfu a yi nga mi pfuni ha nchumu, ntsena yo va ngati ya xifuwo ntsena." Kambe Xikwembu, hi vutlhari bya Xona, xi switivile leswaku ku ni Xinyimpfana lexi taka, lexi nga dlayiwa kusukela emasungulweni ya misava. Ina, nkulumba. Kutani va . . . U rindzerile nkarhi walowo, ku hetiseka ka nkarhi lowu wu nga ta ta.

⁸⁷ Kambe siku rin'wana loko Xinyimpfana lexi xi ta fika, Wanuna loyi, Sathana u tava a hundzukile xiphukuphuku. U N'wi langutile hi nkwako, kutani a ku, "Loko U ri N'wana wa Xikwembu, endla *leswi*. Loko U ri N'wana wa Xikwembu, endla mahlori kutani ni vona loko U ma endla. Ma endlili ni Ku langutile. Uh-huh, ndzi ta pfala xikandza xa Yena hi gume, U biwa. Loko U ri muprofeta, hi byeli loyi a nga Ku ba." Ham! "A ndzi pfumeli, a ndzi pfumeri leswaku U Yena. Loko U ri yena, hi byeli kahle leswaku U mani." Wa vona, hinkwaswo swo fana ni sweswo. "Oho, hi byeli leswaku U mani!" A nga pfulanga nomu wa Yena. Oho, oho, xana U funungurile ulu emahlweni ya yena!

⁸⁸ U langutisile eka vadyondzisiwa, kutani a ku, "Ndzi nga ha vulavula ni Tatana wa Mina kutani A nga ha Ndzi rhumela ntlawa lowukulu wa Tintsumi ta khume mbirhi, loko a Ndzi swilava." Pilato a nga kalanga a swi twa sweswo, maswitiva.

⁸⁹ "Loko Yena! Loko Yena. Oho, yaloye a nga ri Yena. Hikokwalaho ka yini, N'wi languteni loko a halaka ngati. Heyi, van'wana va n'wina masocha mi tlhela mi ya n'wi tshwutela hi

marhi exikandzeni xa Yena.” Ku tshwutela, va N’wi tseketsela, va n’wi kokakoka hi malebvu e xikandzeni xa Yena. “Oho, A nga tano! Ee, ya loye a nga ri Yena! Ndzi ta ngenisa ndzhombho wa mina eka Yena, jaha. Ndzi ta N’wi kuma lahaya ehenhla. Ndzi na Wena sweswi!”

⁹⁰ Loko A rila ro hetelela a ku, “Eli! Eli! Xikwembu xa Nga! Xikwembu xa Nga!” Kwalaho a kuri munhu. “Xana U Ndzi tshikele yini?”

⁹¹ Entangeni wa Getsemani, ntonto wu N’wi sukela, maswitiva, A fanerile ku fa tani hi mudyohi. U file rifu ra mudyohi, maswitiva sweswo; ku nga ri swidyoho swa Yena, kambe swa mina na n’wina. Kwalaho hi laha rirhandzu ri nga ngenisa xiswona, leswi A nga ndzi tekisa xiswona! Oho, haleluya, leswi A nga ndzi tekisa xiswona!

⁹² Kutani kwalahaya A ri kona, A nga ta swi kota ku pfula nomu wa Yena. Ndzhombho wu teri, “Maswitiva, ndzi pfumela leswaku a ri munhu wa ntolovelolo. A nga tswariwanga hi wanhwana, hikokwalaho ndzi ngenisa ndzhombho wa mina eka Yena.”

⁹³ Kutani hi loyi a taka, a ngenisaka ndzhombho wa yena eka Yena, kambe walowo a wu ri nkarhi lowu wu nga hoxeka, jaha! U humeserile ndzhombho wa yena ehandle kwalaho. A nge he pfuki a ngenisile ndzhombho wa yena kwalaho, u siyile ndzhombho wa yena kwalahaya. A pfuka hi siku ra vunharhu, kutani a ku, “Ndzi Loyi a file, kutani ndza hanya nakambe, kutani ndzi ta hanya hi laha ku nga heriki, Ndzi ni makhiya ya rifu ni tihele.” Ina, nkulukumba. U tsandzekile ku vona leswaku yaloye a ri Mani. “Kutani hikuva Ndza hanya, mi ta hanya na n’wina. A swi humelelanga . . .”

⁹⁴ Siku rin’wana, eka masiku manharhu kumbe mune endzhaku ka sweswo, endzhaku ka loko A tlhandlukele eka Tatana, u vuyile, kutani van’wana va ku, “Oho, U . . . U—U fanele a ri xipuku. U fanele a ri Munhu un’wana loyi a chavisaka swinene. Kutani hina . . . Mi N’wi vonile. Mi xi vonile xivono.”

“Ee, a ri Yena Yesu wa ntiyiso.”

⁹⁵ Thomas u teri, “Mi nge ndzi vona mavoko ya Yena ni swin’wana, ndzi ta mi byela loko ku ri swona.”

⁹⁶ A ku, “Hi Mina loyi.” A ku, “Xana mi ni nhlampfi ni xinkwa kwalaho xana? Ndzi neheni sangweji.” Kutani va N’wi nyikile sangweji, kutani A yima kwalahaya a dya. A ku, “Sweswi, xana moya wa dya tani hi laha Ndzi dyisaka xiswona xana? Xana moya wu ni nyama ni marhambu ku kotisa leswi Ndzi nga xiswona xana?” Wa vona? A ku, “Hi Mina Loyi. Hi mina ya luya.”

⁹⁷ Kutani Paul a ku, “A swi kalanga swi humelela ntsena tani hi muxaka wa mimirhi hi nga tava na yona, kambe ha

switiva leswaku hi tava ni miri wo fana ni wa Yena.” Yini? Xana U tshame a va ni miri lowu wunga onhakiki xana? Ina, nkulukumba! Loko A fa, Bibe le yi teri, “Yena,” i riviti ra ximunhu nakambe, “U yile etiheleni a ya chumayilela mimoya leyi yi nga ekhotsweni.” Haleluya! Xana U swi endlise ku yini? A ri ni switwi swa ku khumbhiwa, A ri ni switwi swa ku yingisela, A ri ni switwi swa ku vulavula, U chumayerile hi miri wa lowo wun’we ndzi wu voneke eka van’wana va lava va kwetsimisiweke madyambu ya n’wana. U chumayelerile mimoya leyi a yi ri etiheleni, leyi yi nga hundzukungiki hi nkarhi wa nxaniseko eminkarhini ya Nowa.

⁹⁸ Kambe loko A tava a pfukile hi Paseka, a swi nga ha olovi leswaku miri walowo wu nga vona ku bola, hikuva muprofeta Davida u swi vonile sweswo emasunguleni, “Ndzi nga ka Ndzi nga tshiki moya wa Yena e xivandleni xa vafi, Ndzi nga ka ndzi nga pfumeri leswaku Muhlawuriwa Wa Mina a vona ku bola. Hikwalaho na yona nyama ya Mina yi ta wisa hi ku tshembha, hikuva A nga ka a nga tshiki moya wa Nga e xivandleni xa vafi, A nga ka a nga pfumeri leswaku Muhlawuriwa wa Wena a vona ku bola.” Kutani hi makume nkombo-mbirhi wa tiawara ku bola ku nga se nghena, lowu wu nga onhakiki, miri wa lowo wu nga ya wu ya chumayilela mimoya leyi yi nga ekhotsweni, leyi yi nga hundzukungiki hi minkarhi ya nxaniseko emasikwini ya Nowa, wu pfukile nakambe, kutani lowu wu faka wu va lowu wu nga ha feki, kutani U yimile a tlhela A dya, nakona U hi byerile leswaku A ri Munhu. Haleluya!

⁹⁹ Sweswo hi leswi hi nga ta N’wi vonisa xiswona, Makwerhu Evans. Kwalaho hi laha A nga ta tshama exiluvweni xa Davida. Haleluya! Kwalaho hi laha hi nga ta famba ehenhla nale hansi sweswi, ndzi ta teka rendzo na n’wina hi tsemekanya tintshava kuringana miliyoni wa malembe, wa vona, ntsena masiku mantsongo, ntsena hi timinetse leti ntsongo, hi ta tsemekanya kwalahaya, hi tshama kwalahaya.

¹⁰⁰ Kutani ku fikile nkarhi wa kudya, maswitiva, xosungula lexi mi xitivaka, Sesi Woods u teri. . . Ndzi ku, “Sesi Wood, kunene, xana a wu ri kwihi nkarhi lowu hi nkwawo? A ndzi kalanga ndzi ku vona ku ringana. . . eka mina swi languteka ku ri khume ntlhanu wa timinetse.”

“Oho, malembe ya lawa ya magidi mbirhi lawa ya hundzeke, Makwerhu Branham.”

¹⁰¹ “Uh-huh. Xana mi titwa njhani?” Oho, hikuva a mi nge ti twisi swin’wana kambe kahle.

¹⁰² “Ndzi ku, tanani haleno, majaha, ndzi ta mi komba swilo hinkwaswo, vamakwerhu, vamakwerhu va mina lava va rhandzekaka. Hi lexi xihlovo xa mati lahawani, xo antswa lexi mi nga kala mi nwa eka xona. Kutani, oho, hi ta kuma mati yo titimela. Ndzi ta ya lahaya ndzi ya kuma swichocho

swa kahle swa tidiriva, kutani hinkwerhu hi ta tshama ehansi kwalahaya hi ti dya.” Xana a swi ngevi leswinene xana? Sweswo hi leswi swi nga xiswona. Ntsena sweswo hi swona.

¹⁰³ Xana hi swi kuma njhani leswi? Xana hi switiva njhani leswi? Xikwembu, ku nga si va ni masungulo ya misava, xi hi hlawurile! Va mani? Vona lava va nga eTikweni ra xitshembhiso.

*...hikuva hi ri rhandzu ra Xona xi hi hlawurile
khale ku hi endla vana va Xona ha Yesu Kreste...hiku
ti rhandzela ka vunene bya Xona,*

Eku dzuniseni ka tintswalo to kwetsima ta Xona...

Leswaku hi nga ha Xi dzunisa tani hi laha Xi vuleke ha kona. Sweswo hi leswi a Xi ri xiswona, Xikwembu. Hi lava ku Xi dzunisa.

*...eku dzuniseni ka tintswalo to kwetsima ta
xona, leti xi hi endleke ha tona lava tsakisaka eka
murhandziwa wa xona. Eka Kreste hi amukeriwile.*

*Ha yena hi ni ku kutsuriwa hi ngati ya yena, ku nga
ku rivaleriwa ka s-w-i-d-y-o-h-o...*

¹⁰⁴ Ndzi fanele ku tlhelela endzhaku eka ku hlayisiwa, kambe ndzi lava ku yima lahawani eka “vudyoho” kwala xinkadyana. “Vudyoho,” mikale mi swi xiyisisa sweswo xana? Maswitiva leswaku Xikwembu a xi hehli mudyohi hiloko a dyoha xana? Xi n’wi hehla hikuva a ri mudyohi. Loko mudyohi a dzaha sigara, a Xi n’wi hehli hi sweswo; i mudyohi, hi ndlela yin’wana. Wa vona? Wa vona? A nga ni vudyoho byi n’wana, mudyohi u hava. Ntsena o va mudyohi, wa vona, a nga na vudyoho byi n’wana. Kambe mi ni vudyoho, n’wina lava mi nga Vakreste. Mi swi xiyisisa lahawani u le ku vulavuleni ni Kereke. Ku yi lulamisa. Wa vona? Wa vona? “Ku rivaleriwa ka swidyoho,” s-w-i-d-y-o-h-o. Hi endla vudyoho. Kambe mudyohi i mudyohi, Xikwembu a xi n’wi rivaleri.

¹⁰⁵ Sweswi, mi ri, “Kunene, u humile lahawani a ya balesela munhu. Xana mi ta endla yini ha swona?” Yaleyo a hi mhaka ya mina. A ndzi wa rhifoma, ndzi muchumayeri. Nawu wu ta vona leswaku wu endla yini ha sweswo, vona i va rhifoma. Va tano... “Kunene,” va ri, “u endlile vuoswi.” Sweswo, swi—swi tshikeriwela nawu. Sweswo swile xikarhi ka yena ni nawu. A—a—a—a ndzi wa rhifoma mina, a ndzi rhifomi vanhu. Ndzi lava leswaku va va lava hundzukeke. Ndzi muchumayeri, wa vona, ntirho wa mina i ku n’wi tisa eka Xikwembu. Loko a dyohile, yaleyo i mhaka ya yena, i mudyohi. Xikwembu xi n’wi henhla hi mpimo wale henhla. I mudyohi kusungula hi swona, u hehliwile kusungula hi swona. A nga kalanga a kumeka hambi kuri ku kumeka

etshakwini ro sungula, a—a—a nga kumeki eka helo. I mudyohi kusungula hi swona. A nga ni swidyoho swin'wana, hi yena mudyohi.

¹⁰⁶ A mi nge humi mi ya ku, “Vunyingi *lebyi* i vusiku, kutani ni vunyingi *lebyi* a hi vusiku.” Ee, ntsena hinkwabyo i vusiku, ntsena vusiku hinkwabyo. Sweswo hi leswi Xikwembu xi nga swivula. Sweswo hi swona, ntsena o va mudyohi, swi helerile. “Sweswi, u endlile leswi, vunyingi *lebyi* i vusiku, *lebyi* i vusiku lebyi byi hatimaka hakunene lahawani.” Ndza switiva, kambe hinkwabyo kova ntsena vusiku hinkwabyo, swi herile. Wa vona?

¹⁰⁷ A ndzi nge vuli leswaku, “Vunyingi *lebyi* i ku vonakala lahawani.” Ee, ntsena hinkwako ka vonakala, wa vona, ntsena ku vonakala, a mi nga vuli leswaku ku tarise ku yini. Wa vona? Kambi loko a ri xivati xa ntima eka *leswi*, kutani ku ni munyama eka swona.

¹⁰⁸ Swingaleswi “vudyoho,” v-u-d-y-o-h-o, hi ni ku rivaleriwa ka swidyoho swa hina ha Yena (hi yini?) Ngati, Ngati ya nkoka.

...hi laha rifuwo ra yena...

¹⁰⁹ Xana hi nga rivala njhani? Hikuva hi va nkoka, xana hi endlile swin'wana leswaku swidyoho swa hina swi rivaleriwa? Ha yini swa Yena?

...tintswalo;

¹¹⁰ Oho, mina! A ku na nchumu lexi ndzi nga xitisaka emavokweni ya mina, Hosi. Ku hava lexi ndzi nga xi endlaka, ku hava na nchumu ni nga xi endlaka. Vonani! Xi ndzi hlawurile, Xi ndzi vitana, Xi ndzi hlawula. A ndzi kalanga ndzi Xi hlawula. Xi lo ndzi hlawula, Xi lo mi hlawula, Xi hi hlawurile hinkwerhu ka hina. A hi lo Xi hlawula. Yesu u teri, “A mi Ndzi hlawulanga, Ndzi lo mi hlawula.” U teri, “A ku na munhu loyi a nga taka eka Mina loko a nga tisiwanga hi Tatana wa Mina kusungula, kutani ni hinkwaswo leswi Tatana a nga Ndzi nyika swona swi ta ta eka Mina. Kutani a ku na un'we wa vona la loveke, loko a nga ri n'wana wa ku lova, leswaku a—a hetisisa Matsalwa.” Maswivona xana? A ku, “Kambe hinkwaswo leswi Tatana a nga Ndzi nyika swona swi ta ta eka Mina.”

¹¹¹ Oho, ndza hlwela, a ndzi tano xana? Kutani a ndzi nge humi eka leswi. Hikokwalaho a ndzi sungulanga hi swona. Mi nge ndzi hatlisa, ndzi fanele ndzi kuma swin'wana lahawani hi ku hatlisa sweswi, kutani hi ta hatlisa. Ndzi fanele ku tlhelela endzhaku eka ku hlayisiwa loku ntsena xinkadyana. Oho, xana mi ta ndzi rivalela ntsena—ntsena xinkadyana xana? A hi kumeni leswi lahawani, ku na vanhu va n'wana lava va humaka eGeorgia va nga lahawani ntsena madyambu lawa, a ku katekisiwi timbilu ta vona. Sweswi,

makwerhu Georgian, na Texas ni hinkwako laha mi humaka kona, yingisani vhesa leyi ya vu5. A hi hlweleni eka yona nyana timenetse tintsongo.

Xi hi hlawurile khale eka—eka . . .

¹¹² Xana rito “eka” ri vula yini, rito “eka”? Ri vula xin’wana lexi hi yaka eka xona, eka. “Ndzi ya eka xihlovo. Ndzi ya eka xitulu.” Humes, xana wa swi twisisa xana? “Ndzi ya edeskeni.”

Sweswi, hikuva hi rirhandzu ra xona Xi hi hlawurile khale ku hi endla vana va xona ha Yesu Krete, hi ku tirhandzela ka vunene bya Xona,

¹¹³ Xana i ntsako wa njhani? Xana i ntsako wa va mani, i vunene bya va mani? Bya xona N’winyi. Ntsako wa Xona N’winyi wa ku ti Rhandzela ka Xona N’winyi!

¹¹⁴ Sweswi, xana i yini “ku hlayisiwa”? Sweswi mi nge ndzi kuma leswi sweswi, a ndzi tivi loko ku ri ni . . . a ndzi na nkarhi wo nghena eka leswi, kambe ndzi ta swi khumbha. Kutani loko ku ri ni xivutiso, mi nga ha ndzi vutisa endzhaku eka nkarhi wun’wana ehungwini, swin’wana. Yingiselani. Ku hlayisiwa ka n’wina a hi ku tswariwa ka n’wina. Ku hlayisiwa ka n’wina i ku vekiwa ka n’wina. Loko mi tswariwile ra vumbirhi, Yohana 1:17, ndza pfumela, loko hi tswariwile hi Moya wa Xikwembu, hi vana va Xikwembu. Kambe hi hlawuriwile. Sweswi lahawani hi laha ndzi ringetaka ku mi yisa kona, eka vana lava va siku ra makumu, maswivona. Eka . . . Wa vona? Hi hlawuriwile ku va (eka) ku hlayisiwa.

¹¹⁵ Sweswi, hi hina lava. Sweswi, leswi hi leswi swi vavisaka ma Pentekostal swi ntsongo. Va ri, “Ndzi tswariwile nakambe! A ku dzunisiwe Hosi, hi na Moya wo Kwetsima!” Swikahle. U n’wana wa Xikwembu. Sweswo hi swona. Kambe hambi swiritano a hi swona leswi ndzi vulavulaka ha swona. Wa vona, mi hlawuleriwele ku hlayisiwa. Ku hlayisiwa, i ku wundla n’wana.

¹¹⁶ Ndzi le kusuhi swinene ni xexo, hikuva Becky u ndzi byerile leswaku ndzi tshunela swinene ekusuhi na xona, a mi nge switwi endzhaku. Ndzi . . .

¹¹⁷ Wa vona, n’wana. Xana i va ngani lava va tivaka milawu ya ku hlayisa eka Testamente ya Khale? Ha kunene, mi langutile. N’wana u tswariwile. Ndza pfumela leswaku ndzi na swona eka nchumayilo wun’wana. Xana hi wihi, Gene, wa wu tsundzuka xana? Wu le ka thepi. Oho, xana hi wihi? Ndzi—ndzi—ndzi swi khumbhile eka wona. Oho, ina, ndzi wu kumile, *N’wina N’wi Yingiseni. N’wina N’wi Yingiseni;* ku hlayisiwa ka vana.

¹¹⁸ Sweswi, eka Testamente ya Khale, loko—loko n’wana a tswariwile endyangwini, a ri n’wana tani hiloko a tswariwile, hikuva u tswariwile hi vatswari va yena, a ri n’wana wa le

ndyangwini ni mudya-ndzhaka wa hinkwaswo. Sweswi, kambe n'wana loyi u kurisiwile hi vafundhisi. Va-Galatia, papila ra vu5, kusukela eka vheshe ya vu17 kufika eka ya vu25. Hi swona. U kurisiwile hi vafundhisi, vahlayisi, vadyondzisi. Sweswi, xikombiso, loko ndzi ri ni n'wana loyi a tswariweke, ndzi ku, ndzi tatana kutani. . .

¹¹⁹ Kutani xexo hi xona xivangelo eka King James, xana i va ngani lava va nga tshama va ehleketa ku hlaya ro chavisa eka King James Version, yi teri, “Endlwini ya Tatana wa Mina ku ni miako yo tala”? Endlwini, miako yo tala. Wa vona? Hakunene, e—e masikwini lawa Bibe le yi nga hundzuluxiwa ku ya eka King James, *yindlu* akuri “domain.” “Eka *domain* ya Tatana wa Mina ku ni miako yo tala.” Ku nga ri endlwini, miako, kambe U vurile leswaku Tatana wa domain leyi. Va vile na swona hi xi Bibe le, hileswi swi nga xi swona eBibeleni.

¹²⁰ Loko tatana a ri ni gidi ra ti hektara ta purasi, kumbe swin'wana, a ri ni mintlawwa ya vanhu lava va tshamaka *kwalahaya*. A thorile van'wana *lahawani* leswaku va n'wi langutela tinyimpfu, van'wana *lahawani* va n'wi langutela tihomu, a ri ni van'wana *lahawani* lava va n'wi langutelaka nkamba eka mpfuka lowu ringanaka dzana ra timayili, kutani a ri ni van'wana *lahawani* lava va n'wi langutelaka timbuti, kutani a ri ni van'wana lava n'wi langutelaka timeyila ni—ni swin'wana leswi hambaneke. Ntsena A—a ri ni mfumo lowukulu. Kutani a khandziya xidonkani xa yena a famba hi nkwako eka un'wana ni un'wana a vona leswi humelelaka, tinyimpfu ta kerhiwa ni swin'wana swo fana ni sweswo. A nga ni nkarhi. . .

¹²¹ A mi nge ndzi twi loko ndzi fambela ekule ni kwalaho. Ndzi—ndzi—ndzi ta ringeta ku tshama lahawani endzhaku. Xana mi ndzi twa kahle sweswi, lahawani? Langutani.

¹²² U fambile a ya ekule, ni kuya ekule, a ri e—e ku ringeteni ka ku hlayisa mfumo wa—wa—wa yena. Kutani sweswi u lava. . . N'wana ya loye a ya va mudya-ndzhaka wa hi nkwaswo leswi a nga na swona. I mudya-ndzhaka.

¹²³ Kutani loko hi tswariwile eka Mfumo wa Xikwembu, ha Yesu Krete, hi vadya-ndzhaka va Tilo, hi vadya-ndzhaka hi ku hlanganyela na Yesu, hikuva U tekile ndzhawu ya hina. U hundzukile hina (vadyohi), leswaku hi ta va Yena (la lulameke). Wa vona? U hundzukile mina leswaku mina ndzi hundzuka Yena, wa vona, hi vadya-ndzhaka hi ku hlanganyela na Yena. Hiswona, sweswi tsundzuka sweswo, un'wani ni un'wani wa n'wina.

¹²⁴ Sweswi, tsundzuka, Xikwembu xi mi hlawurile, hi vutivi, leswaku mi ta ta eka Leswi. Ma swi twisisa hinkwerhu, yimisani mavoko ya n'wina, wa vona. Xikwembu, hi vutivi, xi mi hlawurile leswaku mi ta eTikweni ra

xitshembhiso. Xana hi rihi Tiko ra xitshembhiso eka Mukreste namuntlha xana? Ntsena yimisa voko ra wena loko u switiva. “Xitshembhiso xile ka n’wina ni vana va n’wina, ni lava va nga ekule na swona. Kutani swi ta humelela emasikwini ya makumu, kuvula Xikwembu, leswaku Ndzi ta chela Moya wa Mina ehenhleri ka nyama hinkwayo, vana va n’wina va xinuna ni vana va n’wina va xisati.” Kutani eka Esaya 28:18, “Hikuva nawu wu fanele wu va ehenhla ka nawu, ku lerisa ehenhla ka ku lerisa; mhaka yi n’wana sweswi, ni mhaka yi n’wana endzhaku. Khomelelani eka leswinene. Hi laha Ndzi nga ta vulavula ni vanhu lava hi milomo ya manghanghamela ni vanhu lava va dyondzisiwaka hi ririmi rimbe. Kutani leyi i ndzhawu ya ku wisa, (ku—ku Wisa) tiko ra sabata leri Ndzi nge teri va ta nghena eka rona. Kutani, eka hinkwaswo leswi, ri a rile kutwa, kambe va nonohisile tinhloko ta vona kutani va fambela ekule, kutani va nga Swi yingisi.” Wa vona? I ntiyiso.

¹²⁵ Xana a kuri yini? Ntsena swi fana ni vanhu lava va humaka eKanana, kumbe eEgipta, ni hinkwako emananga, va tshunelela ekusuhi, ekusuhi swinene ku ringa tidiriva leti humaka etikweni. Makwerhu, kwalahaya, vanhu va kona va ndzi lava ndzi tshunelela sweswo, leswi nga eka va-Heveru 6. Xana ndzi nga swi endla njhani? Vona vapfumeri va ndzelekano, a va nge swikoti ku ya emahlweni! Va ta hluleka ku ya emahlweni. Yesu u vule tano.

Va teri, “Vatatana va hina a va dya mana emananga.”

¹²⁶ Kutani Yesu a ku, “Va tano, un’wana ni un’wana wa vona, u file.” Hi maendlelo ya lawa, ya va hambanyisile. Va tano, un’wana ni un’wana wa vona, u file. Sweswo hi swona. A ku, “Kambe hi Mina Vuswa bya Vutomi lebyi humaka eka Xikwembu xa le Tilweni. Munhu loyi a dyaka Vuswa lebyi, a ngaka a nga fi. Sweswo hi swona. Ina, nkulukumba, u na Vutomi lebyi nga Heriki loko u dya Byona, hi Mina Murhi walowo wa Vutomi lowu a wu ri entangeni wa Eden.”

¹²⁷ Sweswi, wa vona, vanhu lava va ta ekusuhi suhi swinene! Wa vona, loko mi nga swi xiyisisa eka va-Heveru 6, ku nga ri ku tlhelela endzhaku eka sweswo, kambe eka va-Heveru 6, “Vanhu lava va nga voningiwa kan’we, va nga tava ekusuhi swinene, lava nantsweke ku ha ka le Tilweni.” Va tshamile kwala kusuhi, va vonile ku horisiwa ku endliwa, va vonile vanhu lava a va ri ematimbeni ya Xikwembu, va vonile vutomi byi ncinca, kambe a va kalanga va tlhandleka mavoko eka Swona. Ee, nkulukumba. Ee, nkulukumba. “Kutani va nantswile matimba ya misava leyi yi nga ta ta; kutani loko va nga ringeta ku ti pfuxeta vona hi voxe nakambe eku hundzukeni, va ri eku swivoneni leswaku va—leswaku va ti

vambela vona hi voxe N'wana wa Xikwembu hi vuntshwa, kutani va ri eku tihlayeleni Ngati ya ntwanano leyi va ti kwetsimiseke ha yona. . . ”

¹²⁸ “Ndzi wa kereke leyi yi pfumelaka eka ku kwetsimisiwa.” Sweswo swi kahle tani hiloko swa ha ya emahlweni, kambe a mi nge yi ekule na swona. Wa vona? Ina, nkulukumba. Mananga wu va kwetsimisile. Ina, hakunene. A va ri ni—a va ri ni nyoka ya koporo ni—ni altari ya koporo, ni hinkwaswo kwalahaya, ku kwetsimisiwa, kambe va ngenile ePalestina leswaku va wisa. A va. . .

¹²⁹ Langutani eka va-Heveru 4, a nga kalanga a ku, “ku Wisa ku n'wana xana”? Xikwembu xi tumbuluxile siku ra vunkombo kutani xi va nyika ku wisa hi siku ra vunkombo. Ku n'wana laha xi vulavuleke hi siku ro wisa, “kutani namuntlha eka Davida.” Kutani Xi va nyika ku Wisa ku n'wana, “Tanani eka Mina n'wina hinkwerhu lava karhaleke ni lava tikeriwaka, Ndzi ta mi Wisisa.” Ngenani eka ku Wisa loku! Eka hinkwerhu lava hi ngenene eka ku Wisa loko hi sukele mintirho ya hina tani hi laha Xikwembu xi sukele ya Xona hi sabata. Hakunene-nene. Ku ni sabata ya n'wina, ku nga ku Wisa. Ku ni ku Wisa ka ntiyiso ka n'wina eka Tiko leri ra xitshembhiso.

¹³⁰ Moya wo Kwetsima i xitshembhiso eka vanhu. Kutani hikokwalaho ka yini va lava swichumayeri swo dyondzeka leswi swi nga ya exikolweni leswi swi nga ta va pfumelela ku ambala swo koma niku byewula misisi ya vona, ni ku tola lipstiki, ni vavanuna lava va bindzurisaka niku nwa byalwa niku vula mafenya, ni kuya emahlweni tani hi sweswo, kutani va ri karhi va tivula leswaku i swirho swa kereke? Hikokwalaho ka yini, va ta teka swin'wana swo fana ni sweswo niku a la vurhangeri bya Moya wo Kwetsima! Hikokwalaho ka yini, Bibe le yi teri Rito ra Xikwembu ri karhiha ku tlula tlhari leri nga ni vukarhi hi matlhelo mambirhi leri ri tsemaka minsika ni mongo wa rhambu, kambe hi rona leri avanyisaka mianakanyo ni makungu ya timbilu. Ina, hambi ku ri makungu ya mianakanyo!

¹³¹ Kutani loko hi rhandza misava kumbe swilo swa misava, rirhandzu ra Xikwembu a ri kona eka hina. “Hikuva lava vitaniweke va tele, kambe lava nga hlawuriwa a hi vangani; kambe nyangwa yi khumile ni ndlela leyi yi yaka kona yi larile ya Vutomi, kutani lava va yi kumaka a hi vanyingi. Lavo tala va ta ta eka Mina hi siku lero kutani va tshama ehansi eMfun'weni,” ku vula Yesu, “na Abraham, Isak na Yakob. Kambe vana va mfumo va ta humeseriwela ehandle, kutani va taku, ‘Hosi, xana a hi endlanga leswi hi Vito ra Wena xana? Xana a hi chumayelanga xana? Xana a hi nga ri va Dokodela So-na-so ni Mufundhisi So-na-so xana?’ A ndzi mi tivanga.

Sukani eka Mina, n'wina vadyohi, a Ndzi mi tivi. A hi nkwavo lava nge, 'Hosi, Hosi,' va nga ta nghena. Kambe lava va endleke lu Rhandza ka Tatana wa Mina la nge Tilweni, hi vona lava nga ta nghena emfun'weni."

¹³² Kwalaho mi nga kona, mi le ku ngheneni eka Tiko leri ra xitshembhiso. Xana hi nghenisa kuyini eka rona? Hi hlawuleriwile rona. Kereke, hi vutivi bya Xikwembu, xana hi hlawuleriwile (eka yini?) eka ku xixima ka Xona, hi tintswalo ta Xona, eka ku kwetsima, niku gandzela niku kwetsima ka Xikwembu. Papa, loyi a tshameke lahaya emasunguleni, la nga kona a ri yexe, ku ri hava nchumu ekusuhi na Yena, u lavile swin'wana leswi swi nga n'wi gandzelaka, swingaleswi U xiximile ni ku hlawula kereke, ku nga si va ni masungulo ya misava, a veka mavito ya vona eBukwini ya Xinyimpfana ya Vutomi, loko va . . . xi dlayiwile ku nga si va ni masungulo ya misava, leswaku va nga ha humelela evukwetsimeleni bya Xona nile ka tidzuniso ta Xona hi nkarhi wo hetelela, loko hi ta hlengeletana eka Wanuna ya loye a ri un'we, Krete Yesu. Hawu! Wa kwetsima! Sweswo hi swona. Ntsena sweswo . . . Kutani swi tava tano kwalahaya, buti wa mina, sesi. Mi nga suki eka Sweswo.

¹³³ Xikwembu, hi nhlawulo wa Xona wa tintswalo, xi mi vitanile. Xikwembu, hi nhlawulo wa Xona wa tintswalo, xi mi kwetsimisile. Xikwembu, hi nhlawulo wa Xona wa tintswalo ni matimba ya Xona, xi mi khuvurile xi mi veka etikweni leri ra ku Wisa. Lava va ngeheneke eka ku Wisa loku va ponile eka ku famba ka vona va pepetseka. Va wisile eka mintirho ya vona tani hi Xikwembu lexi wiseke eka ya Xona. Va ni kutsaka loku ku nga vulekiki, niku tatiwa hi ku kwetsima! Murhi wa Vutomi wule ku hlukeni eka vona. Va ni ku tiyisela, vumbulwa, vunene, ku tiyisela loku ku endlaka ripfumelo, ripfumelo, ku titsongahata, ku olova, ni kuya emahlweni. Murhi wa Vutomi wu hluka eka vona hikuva ku tshembha ka vona ku nghenile eka Krete Yesu, vumbhoni bya Moya wo Kwetsima lebyi byi nga ni vumbhoni hi masingita ni mahlori lawa ya landzelaka vapfumeri. "Masingita lawa ya ta endlwa hi lava va pfumelaka." Tani hiloko va famba na wona, va horisa va vabyi, va hlongola madimona, va vulavula hi tindzimi, va vona swivono. Va . . . Kutani va famba ni Xikwembu, va vulavula ni Xikwembu. A kuna dimoni leri ri nga ta va tsekatsekisa, va yima va nga ninginiki, va langutele . . . ? . . . Va rivala leswi nga hundza, vaya emahlweni va tshunelela mfungho wa ku vitana ka le henhla eka Krete Yesu. Kwalahaya va nga kona. Kwalahaya va nga kona. Yaleyo i Kereke.

¹³⁴ Xana va nghena njhani kwalahaya? Mi ngaka mi nga vuli leswaku, "Kunene, Hosi, Wa switiva, siku rin'wana ndzi sungurile ku dzaha tisigara, hiloko ndzi wa, kutani ndzi ehleketa leswaku . . ." Oho, ee, ee, ee, ee.

¹³⁵ Ku hlawuriwa! Xi hi vitanile kutani loko hi Xi landzela hi kona hi nga ta ku, “Xikwembu, a hi lahlekile hi nga endli leswinene. A hi ri hava hambi miehleketo ya ku tiponisa. A hi ri ni mahanyelo ya tinguluve, a hi ri tinguluve eku sunguleni.”

¹³⁶ Mi ya ehokweni ya khale ya nguluve kutani mi ya vona nguluve ya khale ya matsune, kutani mi ku, “Sweswi, languta lahawani, nguluve ya khale, ndzi lava ku ku byela swin’wana. Swi hoxekile eka wena ku nwa ndzhope.”

¹³⁷ Yi ta ku, “Honci-honci.” Wa vona? Sweswi, sweswo swi tani hiloko u ti ponisa wena n’winyi. Sweswo hi swona.

¹³⁸ Mi ri, “Wa nhwana, a wu fanelanga ku ambala swi ambalo swo tani hi sweswo, u fanele ku ambala kahle. U fanele ku endla *leswi*. A wu fanelanga ku ya e. . . A wu fanelanga ku va ni khadi ra mavandla. A wu fanelanga ku dzaha mafole. A wu fanelanga ku endla *leswi*. Nkulukumba, a wu fanelanga ku khoma *sweswo*.”

¹³⁹ U ri, “Honci-honci. Ndzi wa *Honci-honci*.” Uh-huh. “Honci,” sweswo hi leswi va tivaka swona. “Kunene, ndzi ta mi tivisa leswaku ndzi kahle tani hi leswi mi nga xiswona. Honci-honci!” Wa vona, va alela vurhangeri bya Moya wo Kwetsima, hikuva Bibe le yi teri loko mi rhandza misava kumbe swilo swa misava, rirhandzu ra Xikwembu a ri kona eka n’wina.

¹⁴⁰ Xana i yini lexi xi endlaka leswaku va fumiwa? Mi rixaka leri kwetsimaka. Xana mi endlile yini? Mi humile etikweni lero. Mi le Tikweni rin’wana. Xana mi nghena njhani eka rona? Hi rona Tiko ra xitshembhiso. Xana i xitshembhiso xa muxaka wihi? “Swi ta humelela emasikwini ya makumu, ku vula Xikwembu, Ndzi ta chela Moya wa Mina ehenhleri ka nyama hi nkwayo.” Hi Moya wu ri wun’we hi khuvuleriwa eka Tiko leri ra xitshembhiso. Amen. Vamakwerhu va xinuna ni va xisati, haleluya, ni timbilu leto tenga, ti nga riki na mavondzo, ti nga riki ni rivengo, ti ri hava nchumu! A ndzi na mhaka loko makwerhu a pepetseka, swi nga ri na mhaka leswaku u endla yini, mi ta n’wi landzelela.

¹⁴¹ Ndzi landzelerile makwerhu un’wana ku nga ri khale ngopfu, loyi a pepetseka. Nakulorhi lontsongo u teri eka mina, a ku, “Tshika xikelema xexo xi tifambela. N’wi tshike a ri yexe.”

¹⁴² Ndzi ku, “Loko ndzi nga kota ku fikelela endzhawini laha mbilu ya mina yi nga taka yi nga fambi na yena makwerhu loyi, kutani ku tava ku ri nkarhi wa mina wa kuya e altarini, hikuva ndzi wile etintswalwini.” Ndzi teri, “Ndzi ta famba ntsena tani hiloko a ha hefemula emirini wa yena, kutani ndzi ta n’wi khoma kun’wanyana endleleni.” Ina, nkulukumba. Kutani ndzi n’wi khoma, haleluya, ndzi n’wi vuyisela endzhaku. Ina, nkulukumba. U tlhelerile etshangeni hi ku hlayiseka sweswi. Ina, nkulukumba. A tava a pepetsekile ha kunene tani hi misava.

¹⁴³ Endzhaku nyana loko ndzi ta va ndzi vonile wansati ya loye wa xisiwana la tshameke kwalahaya, kutani sheriff u ndzi vitanile, a ku, “Hikokwalaho ka yini, wansati a fanele a ambarile nguvu ya kahle.” A ku, “Ntsena wa ti vabyela, u hlanganile nhloko.” Yena—yena, va n’wi vekile ehodeleni. Va tile.

Ndzi ku, “Sweswo hinkwaswo swi lulamile.”

¹⁴⁴ A ku, sheriff a ku, “Hikokwalaho ka yini, Billy!” Ndzi n’wi tiva a ri kahle swinene, kutani ndzi n’wi tiva kusukela ndza ha ri n’wana. A ku, “Loko ku nga va kuri ni xin’wana lexi ndzi nga ku pfunaka ha xona.”

Ndzi ku, “Sweswo swi lulamile.”

A ku, “Xana u nga n’wi pfuna wansati xana?”

Ndzi ku, “Ee, kambe Xi nga n’wi pfuna.” Ndzi ku, “Yima nyana.”

¹⁴⁵ Swingaleswi va n’wi humesile kwalahaya. Kutani loko a tava a fambile endzhaku nyana, hi ku rhula. Xana a ku ri yini? Hi vuye hi n’wi endlela xikhongelo. Amen! A ri . . .

¹⁴⁶ Va teri, “Xana u lava ku kuma dokodela?” Va ku eka nuna wa yena, “Xana u lava ku kuma dokodela xana?”

¹⁴⁷ Va ku, “Dokodela a ngaka a nga n’wi endlile nchumu.” Kutani sweswo hi swona. U le ka lava va rihuhu; dokodela a nge n’wi endlile nchumu.

Va ku, “Ku tshembha ka hina ku fika *kwalaho*.”

Hiloko a ku, “Billy, a ndzi swi twisisi sweswo.”

Ndzi ku, “A ndzi ku langutelanga eka leswi, wa vona. U nga ti languteli eka swona.”

¹⁴⁸ Kambe, oho, mina, hambiswiritano ndza swi twisisa! Ee. Kambe, makwerhu, Xikwembu eTilweni. . . A ndzi ri ekule, ehandle ekusuhi nkarhi wun’wana, Xin’wana xi ndzi sala hi le ndzhaku. Amen! A swi nga ri hi ku a ndzi swilava ku ta, kambe, ee, Xin’wana xi ndzi sala hi le ndzhaku. Hikuva ku nga si va ni masungulo ya misava, Xikwembu xi hi hlawurile, haleluya, leswaku hi tava va Xona, eka ku xiximiwa ka Xona ni ku kwetsima. Yingiselani! Lava xi va tiveke khale, Xi na yini? Xi va vitanile. Sweswo hi swona? Xana xi mi vitanile? Ina! Xana hikokwalaho ka yini Xi mi vitanile? Xi mitivile khale. Lava Xi va tiveke khale, Xi va vitanile; lava Xi va vitaneke, Xi va endlile lava lulameke. Xana a hi swona xana? Kutani lava Xi va lulamiseke, Xi va kwetsimisile! Amen! Sweswo hi leswi Bibeke yi swi vuleke. Lava Xi va tiveke khale, Xi va vitanile. Rixaka rin’wana ni rin’wana! Lava Xi va vitaneke, Xi va kwetsimisile. Yini? Mi nge ndzi hlava Matsalwa lahawani. Swikahle.

Hikuva hi rirhandzu ra xona hi hlawuriwile khale ku hi endlile vana va xona ha Yesu Krete, hi ku ti rhandzela ka vunene Bya Xona, . . .

Eka tidzuniso evukwetsimeleni bya Xona. . .

¹⁴⁹ Oho, xana ma swi twisisa xana? Ku ya eka tidzuniso evukwetsimeleni bya Xona! Leswaku Xi nga ha tshama kwalahaya eka tinguva leti nga Heriki leti ti nga ta landzela, kutani vana va Xona va ta huwelela, “Aba, Tatana! Aba, Tatana!”

¹⁵⁰ Kutani Tintsumi ti ku, “Xana va vulavula ha yini? Xana va le ku vulavuleni ha yini?”

¹⁵¹ Swingaleswi swi kombisiwile kahle eka n’wana wa vusompfa. “A ndzi lahlekile.” “Loyi i n’wananga. A lahlekile kutani sweswi u kumekile. A file, kutani wa hanya nakambe. Tisani rhole lero nona, ni nguvu leyo saseka ngopfu, mi n’wi nghenisa xingwavila erintihweni ra yena. Kutani mi . . .” A swi hlamarisi loko tinyeleti tani mixo ti yimba kun’we, vana va Xikwembu va huwelela hi ntsako, loko va vonile makungu ya ku hundzuka, Xikwembu xi vekile mavito ya n’wina eBukwini ku nga si va ni masungulo ya misava.

¹⁵² Sweswi mi ri, “Calvin u pfumela swin’wana swo fana ni sweswo.” A ndzi pfumeri eka Calvin. Calvin a ri mudlayi. Calvin u endlile leswaku vanhu va dlawa hikokwalaho ka ku khuvula hi Vito ra Yesu. A ri xigevenga, lexi a xi lava ku hundzuriwa, xona hi xoxe. Ina, nkulukumba. Kambe leswi a nga swivula, eka swin’wana swa leswi a nga swivula, a ri ni ntiyiso. Mi nga . . . kambe leswi a . . . Maendlelo ya yena, wanuna loyi a dlayeke wanuna kulobye a n’wi dlayela swin’wana swo fana ni sweswo, sweswo swa chavisa, sweswo i vudyoho. Hi swona.

Laha a tiboheke eka hina . . .

¹⁵³ Oho, yimani nyana, a ndzi nghenanga eka “ku hlayisiwa” kwaloko, a hi swona? Xana ndzi le ku hlweleni? A hi voneni leswaku wachi yi ri yini lahawani, xana i nkarhi muni. Swi kahle. Ntsena—ntsena a hi tekeni khume ra timinetse ku endlela vanhu lava va humaka ekule. Langutani. Langutani.

¹⁵⁴ “Ku hlayisiwa,” mi nge ndzi mi komba leswaku hikokwalaho ka yini swi endlile sweswo. Tatana u ni mfumo lowukulu, wa wu endzele hi nkwawu. Sweswi u tswarile n’wana wa xinuna. Oho, u tsakile swinene! (Xexo i Xikwembu.) Swingaleswi xana ma switiva leswaku tatana ya loye u endlile yini xana? U lava muhlayisi wo antswa swinene, muleteri. Xana maswitiva leswaku muleteri i yini, a mi switivi xana? I mudyondzisi wa le xikolweni. U kuma mudyondzisi wa xikolo wo antswa swinene loyi a nga n’wi kumaka etikweni hinkwaro. (Kutani hi ta famba sweswi, yingiselani.) Kutani u kuma mudyondzisi wa xikolo wo antswa swinene loyi a nga n’wi kumaka. A nga ti kumeli mudyondzisi ntsena-ntsena, u lava leswaku jaha ra yena ri va nakulorhi wa ntiyiso.

¹⁵⁵ Xana a mi swilavi leswaku vana va n’wina va va hi ndlela ya leyo xana? Hakunene, i swo antswa leswi mi nga va

nyikaka swona! Ina, nkulukumba. Swingaleswi loko munhu wa ntumbuluko a anakanya sweswo, xana mi ehleketa leswaku Xikwembu xi ehleketa yini hi vana va Xona? Swo antswa leswi Xi nga swi kumaka.

¹⁵⁶ Swingaleswi, u lava munhu loyi a nga ta tshembheka. Sweswi, a nga ri munhu...u lava munhu loyi a nga taku, “Sweswi, langutani, ndzi—ndzi. . . Junior, u nga endla xin’wana ni xin’wana lexi u xi lavaka, murhandziwa.” “Oho, ina, tatana, uh-huh, u ti kumerile n’wana wa kahle, i n’wana wa kahle.” N’wi bambateli nyana enhlaneni un’wi tlhoma na risiva exihukwini xa yena. Ee, ee. Munhu ya loye u ta hlongoriwa sweswi. Hakunene. U lava wanuna loyi a nga ta tshembheka. Loko jaha lero ri ri kahle, ri byeli. Loko a nga ri tano, n’wi byeli leswi nga hoxeka.

¹⁵⁷ Kutani loko tatana wa laha misaveni a anakanya sweswo...Xana a mi n’wi lavi wanuna loyi a nga ta tshembheka eka n’wina ke, mudyondzisi wa xikolo loko a tshembheka eka vana va n’wina xana? Hakunene. Kunene, xana mi ehleketa leswaku Xikwembu xi ehleketa yini xana? Kutani Xa switiva; hina a hi switivi, Xona xa switiva. Hina hi na makumu, hi ngaka hi nga swi hlamuseri. Kambe Xona a xi na makumu kutani xa switiva.

¹⁵⁸ Swingaleswi, xana maswitiva leswi Tatana a swi endleke xana? A nga kalanga a ku, “Ndzi ya lava phopu leswaku a ta langutela vana va Mina.” Hambi swi ri tano A nga kalanga a ku, “Ndzi ya—ya lava bishopo.” Ee, ee. A nga kalanga a swi endla sweswo, hikuva A switiva leswaku phopu u tava la hoxaka, swingaleswi swi tava tano nale ka bishopo. Wa vona? A nga kalanga a ku, “Ndzi ya lava muangameri lonkulu ku ta langutela tikereke ta Mina.” Ee, ee.

¹⁵⁹ U ni Moya wo Kwetsima. Lowu a kuri Mudyondzisi wa Yena, uh-huh, ku kurisa vana va Yena. Hiswona. Kutani xana mi switiva njhani leswaku Moya wo Kwetsima wa switiva xana? Wu vulavula hi milomo ya ximunhu. Xana mi switiva njhani leswaku Wu vulavula Ntiyiso xana? Loko mi vona Moya wo Kwetsima wu vulavula hi milomo leyi yi vulaka Ntiyiso ha kunene hi minkarhi hi nkwayo, yi bvumbha ni ku vula leswi nga ta humelela, tani hi laha Samuel a vuleke hakona, kutani mi ta switiva leswaku i Ntiyiso. Wu ta ta hi ndlela leyinene. Hikuva Xikwembu xi teri, “Kutani loko a vulavula ni leswi a swi vulaka swi nga humeleli, mi nga n’wi yingiseri, hikuva a Ndzi na yena. Kambe loko a vula swona, kunene, kutani n’wi yingiseni, hikuva Ndzi na yena.” Wa vona? Kwalaho mi nga kona. Sweswo hi leswi Xi swi endlisaka xiswona.

¹⁶⁰ Sweswi, manuku Xi ya hinkwako. Sweswi, xana mi ehleketa leswaku Muleteri u ta vula yini loko A fanele kuya ehenhla eka Tatana xana? A ya ku, “Vana va Wena—Wena va

ni maendlelo yo biha ngopfu. Ndza ku byela, jaha lero ra Wena, rona, ham, u mugwinihi. U ni mavoko lawa ya khwaxaka, a ndzi se tshama ndzi vona nakulorhi wo tani hi yena! Mina, xana Wa switiva leswaku u ndla yini? Kutani ni nhwana ya loye wa Wena! Oho, whew, a ndzi tivi leswaku U ta endla yini ha yena. Hmm. Kunene, xana Wa switiva leswaku i yini? U languteka ntsena tani hiloko... U tipenda-pendile ku fana ni vanhvana va n'wana lahaya, mu-Filista. Ina, Nkulukumba, u lava ku va ni maendlelo lawa va maendleka."

"N'wana wa Mina wa nhwana xana?"

¹⁶¹ "Ina, n'wana wa Wena wa nhwana." Sweswo hi leswi Moya wo Kwetsima wu faneleke ku swi endla ekerekeni namuntlha. A swi hlamarisi loko hi nga ri na mpfuxelelo. Wa vona? Sweswi, sweswo i ntiyiso.

"Xana u ri yini hi n'wana wa Wena wa xinuna ke? Huh? U endla swo fana na yena."

"Yini?"

¹⁶² "Kunene, Wa switiva leswaku minkarhi hinkwayo U vula leswaku tinyimpfu leti ti fanele ku riseriwela eka madyelo ya lawa ehenhla eka Swakudya sweswo swa tinyimpfu lahaya. Ina, xana wa switiva leswi A swi endleke xana? U ti khayimerile ehansi lahaya exikhwatini xa tihlanga. Ntsena ku ti teka a ya ti tshika kwalahaya xinambyanini, kutani a ti tshika ti etlela kwalahaya xinkhwatini xa tihlanga, ti tidyela majekejeke ya khale, kutani a ti siwaneke ngopfu nakona a swi ti tikela ku hatla ti huma kwalahaya." Valava i vabishopo, vafundhisi lava va alaka Matimba ya byona. "Kunene, ndzi Ku byela ntiyiso, a ndzi se tshama ndzi vona ntlawa wo fana ni wa lowo wa tinyimpfu ta rhumbyana evuton'wini bya Mina." A nga swi tsakeli sweswo. Ee. "Kutani Wa switiva leswaku i yini? Tihomu ta vona leti nga lahawani, Wa switiva U—U va byele leswaku va ti byisela eka—eka rilabyana lahaya, Wa switiva, leswaku ti ta nona?"

"Ina."

"Xana wa switiva leswaku u le ku tinyikeni ka yini xana?"

"Ee."

¹⁶³ "U ti nyika tithlanga to oma. Ina. U ti endla leswaku ti joyina ti sosayiti ni hinkwaswo. A wu se tshama u vona swo yelana ni sweswo evuton'wini bya Wena. A wu se tshama u swivona swo fana ni sweswo evuton'wini bya Wena. Xana wa switiva leswaku u endla yini xana? U famba-famba lahaya a ri karhi a dzaha sigara, ni ku dedeleka. A ri ni nsati wa yena, nsati a ambarile swo koma tani hi leswi va-Filista va swi endlaka lahaya. Ina." Wa lowo i muxaka wa hungu leri Moya wo Kwetsima wu fanelaka ku ri teka namuntlha ekerekeni. Sweswi, xana mi ehleketa yini ha swona?

¹⁶⁴ Sweswo i ku hlayisiwa. Leswi Xi...xana Xi swi endlile? Xi hi—hi hlawulerile leswaku hi ta hlayisiwa. Xi hi nyika Moya wo Kwetsima; kambe, yimani nyana, ku hlayisiwa, hi leswi hi vulavulaka ha swona. Ku hlayisiwa!

¹⁶⁵ “Kunene, xana maswitiva leswi A swi endleke xana? Bishopo u tile siku rin’wana, a ta hi byela. A ri ni xikhongelo xo horisa ehansi kwalahaya, kutani bishopo a hundza hi kwalahaya. Wanuna un’wana, makwerhu a hundza hi kwalahaya nakona a ri eku khongeleleni ka vavabyi. Kutani a ku, ‘U swi tshika sweswo!’

‘Oho, oho, ina, tatana bishopo, ndzi ta swi endla sweswo.’

‘A mi na ntirhisano.’

‘Oho, ee, ee, tatana bishopo, a hi nge swi endli hakunene.’”

¹⁶⁶ “Kutani ndzi tile lahawani ku ta n’wi byela Ntiyiso lowu wu humaka eRitweni ra Wena. Wa vona, hi Lowu lahawani. Ndzi n’wi hlayerile milawu ya Wena leswi hakunene a nga ta yi endlisa xiswona, kutani a ngaka a nga va yi yingiseli. A ku, ‘Oho, sweswo i swa nguva yin’wana, eka n’wana un’wana hi nkarhi wun’wana. Sweswo a swi vuli mina.’” Kwalaho mi nga kona. Leswaku, sweswo i Ntiyiso, munghana. Swingaleswi a wu swivoni xana laha kereke yi nga lahlekériwa hi xiyimo xa yona, hikokwalaho ka yini hi nga ri ni mpfuxelelo, hikokwalaho ka yini swilo swi nga hayi emahlweni xana? Kwalaho hi laha yi nga kona.

¹⁶⁷ Joshuwa u teri, “Gad, ndzi lava leswaku u...veka ndzhawu ya wena lahawani ku ya hi ntsalo wa wasi, ndzhawu ya wena yi vekiwa lahawani, kona kwalahawani. Wena u nghena endzeni lahawani, Gad, kutani u tshama kwalahawani. Benjamin, u ya lahawani. Kutani sweswi hinkwenu ka n’wina mi tshama ekule ni ndzelekano wa va-Filista.” Kutani Joshuwa a vuya, hinkwavo va le ka va-Filista, va ri karhi va ba huwa leyikulu, va ri karhi va thawuza hi ndlela ya leyo, kutani hinkwavo vavasati va tipenda—pendile, va ri karhi va thawuza—thawuza hinkwako va ri ni nkarhi lowukulu. Hiloko Joshuwa a ti n’waya nhloko, a ku, “I ncini sweswi?” Kutani sweswo hi leswi swi nga humelela; hayi hinkwavo, hi khensa Xikwembu, hayi hi nkwavo, kambe votala. Hi swona.

¹⁶⁸ Swingaleswi ku humelerile yini kwalahaya? Sweswo hi leswi swi nga humelela. Xana a mi n’wi khumbhuli Munhu ya loye, Moya wo Kwetsima, loko wu humelela emahlweni ka Tatana loko A fanele ku vula sweswo? Oho, mina! “Ndzi—ndzi—ndzi n’wi byerile, kambe a—a—a fanele a nga Wu yingisanga. Ndzi n’wi bye le sweswo, ni ku n’wi tshika a hlaya kwalahaya eBukwini. A ndzi ri—a ndzi ri ni muministara lontsongo loyi a nga ta a ta n’wi komba leswaku Yesu Krete wa ha ri yena tolo, namuntlha, ni hi laha ku nga heriki. Kutani Wa switiva leswaku i yini? U pfumelerile un’wana wa vona—u pfumelerile un’wana

wa vona wa mubyisi wa khale wa timbuti a ta lahawani a fika a n'wi byela leswaku sweswo a swi ri swa nguva ya khale. Wa vona? Kutani a nun'hwa ngopfu hi nkarhi lowu a nga fika hi wona kwalahaya, ku nun'hwa ka vumbuti, Wa switiva, tisigara, kutani Wa switiva, ni kuya emahlweni, a nun'hwa ngopfu loko a fika lahawani. Wa vona? Kambe ndza Ku byela, leswaku murisi ya loye wa khale wa timbuti a ri ni timendlele leti ti eneleke a ti hakarheke, hikokwalaho, ndza Ku byela, loko U nga tsala vito ra yena ephephepheni, swi nga ha teka (matimu ya yena) ma nga ha teka hafu ya tluka ku endla tinhloko-mhaka ta yena. Ina, Nkulukumba, hakunene va n'wi rhandza etikweni lero, kambe, ndza Ku byela, hakunene a nga switivi ku byisa tinyimpfu. Ku ni xilo xin'we ntsena ha swona. Ntsena a nga swilavi ku Ndzi yingisela," ku vula Moya wo Kwetsima. "Ndzi ringetile ku n'wi byela leswaku hi Wena tolo, namuntlha, ni hi laha ku nga heriki, kambe a—a nga swi yingisanga. U toya lerikulu leri ndzi nge se tshamaka ni ri vona evuton'wini bya Mina. Ina. Kutani kereke yi n'wi endlile muangameri, mu bishopo, ni swin'wana, vanhu hi nkwapo va n'wi yingisela. Kutani Wa switiva leswaku i yini? Va teka sweswo. . . va ni nchumu wu n'wana wu ntongo wa khale lowu va wu vitanaka 'thelevhixini.' U pfulela nchumu wa lowo wa khale tani hi sweswo, kutani—kutani vavasati va vona va ta ni kuya emahlweni, ni swi ambalo hinkwaswo leswo koma. Kutani, Wa switiva, vunyingi bya vana va vanhwenyana va Wena va- . . ."

"Oho, hi ntiyiso a swi tano!" Wa vona?

¹⁶⁹ A ku, "Ina, va tano. Ina, va le ku swi endleni. Ham. Van'wana va vona va le ku rileleni ka mpfuxelelo, Tatana, va n'wana va vona va wu lava hi ntiyiso. Van'wana va vona va le ku fambeni endleleni hi ntiyiso, ntsena va n'wana va vona va yimile eRitweni tani hi laha va nga vaka ha kona. Van'wana, a ndzi tivi leswaku ndzi nga endla yini, va—va le kule na swona lahaya. Wa switiva leswaku va n'wana va le ku endleni ka yini? Va le ku va hlekeni, va ku, 'Ntsena kova ntlawa lowu fayekaka.'"

"Kunene, sweswo swi Ndzi endla ndzi nga titwi kahle."

¹⁷⁰ Kambe sweswi a hi ncinceni xifaniso. Sweswi Tatana, n'wana wa Yena i jaha lerinene. Tatana wa yena u kahle—u kahle hakunene, hi loyi Muleteri, Moya wo Kwetsima. Hi ndlela leyi Moya wo Kwetsima, U teri, "Ndzi ya eku fambeni," Muleteri u teri, "Ndzi . . ."

¹⁷¹ N'wana u teri, "Ndzi ta famba na Wena. Ndzi ta famba na Wena."

"Oho, tinhlohlorhi ti lehile ku chavisa, jaha."

¹⁷² "Ndzi ta famba na Wena. Ndzi tshembhele eka Wena. Loko ndzi karhala, U ta ndzi khoma hi voko a ndzi yimisa hi famba."

"Kambe ku ni tinghala lahaya enhlohlorini!"

¹⁷³ “U nga kali u vilela ntsena loko U ri kona, a swi kali swi endla ku hambana na swi ntsongo. Ndzi le ku fambeni na Wena.”

“Ku ni khombo lahaya ehenhla, ku rhetemuka maribye.”

¹⁷⁴ “A ndzi na mhaka na swona, ntsena loko Wa ha khomile voko ra mina, ndzi ta famba na Wena. Ndzi ta famba na Wena.”

“Oho, maswitiva leswaku i yini? Papa wa n’wina u toloverile ku endla sweswo, wa vona. Sweswo swi kahle. Ina, nkulukumba.”

¹⁷⁵ Gonyani ehenhla enhlohlorhini lahaya. “Oho,” A ku, “Xana Wa swi tiva leswaku i yini, Tatana? Ntsena n’wana wa Wena u fana ni khumbhi ra khale ro chipa. U hetisekile, tani hi Wena. Rito rin’wana ni rin’wana leri U ri vulaka, u ri ‘amen’ eka Rona. Ndzi—ndzi n’wi twile a pfula Bibelesiku rin’wana, kutani Yi ku, ‘Yesu Krete hi yena tolo, namuntlha, ni hi laha ku nga heriki.’ Wa switiva leswi a swi vuleke xana? U bile nkalanga a yisa mavoko ya yena ehenhla emoyeni, kutani a ku, ‘Haleluya, Amen!’ Oho! Kutani Wa switiva leswaku Yi teri yini lahawani, e—e Ritweni ra Wena, Wa switiva, laha U nge teri, ‘Mintirho, loyi a pfumelaka eka Mina, mintirho leyi Ndzi yi endlaka u ta yi endla na yena?’”

¹⁷⁶ “Ina, Ndzi tsundzuka loko ndzi tsalela n’wana wa Mina Sweswo. Ina, Ndzi tsundzuka loko ndzi tsala Sweswo.”

¹⁷⁷ “Oho, loko a tava a vonile sweswo, ntsena u bile nkalanga ni ku tlulela ehenhla nale hanshi, a kolola, ‘Haleluya, Hosi. Susa hi nkwaswo swa misava eka mina. Ndzi endlile hi ndlela ya Leyo!’ Ina, Nkulukumba. Kutani ni hinkwaswo swilo leswi a swi endleke!”

¹⁷⁸ “Oho,” Tatana u teri, “Ndzi—Ndzi tsakile ha n’wana ya loye. Yaloye i jaha ra kahle. Hiswona. N’wi vekenile tihlo kuringana malembe nyana, mi vona loko a—mi vona loko a ta, ni hi laha a nga ta humelela ha kona.” Endzhaku nyana ka malembe lawa ya hundzeke. “Xana u tava a ri karhi a fambisa ku yini?”

¹⁷⁹ “Oho, mina, hambile swi ri tano u kulele etintswalwini! Oho, mina! Ntsena A nga... A ri eku tshoveni ka tihunyi. Ndza Ku byela, hakunene u—u ni... Hikokwalaho ka yini, u tekile tinyimpfu ta vona, a nga ha tihlayisa ntsena—ntsena tani hi laha U endlaka ha kona. A ngaka a nga va nyiki rilwandlana. A nga ka a nga va nyiki tihlanga to oma. Loko va fika, va ku ‘hi lava ku joyina kereke’; a ku, ‘Pfalani milomo ya n’wina, a mi kali mi lava swona sweswo! Ee, nkulukumba. Hi leswi leswi mi swi lavaka, “Hundzukani kutani mi khuvuriwa, un’wana ni un’wana wa n’wina, hi Vito ra Yesu Krete, eku khomeriweni ka swidyoho swa n’wina. Mi ta kuma nyiko yi nga Moya wo Kwetsima.” Ina, Nkulukumba, hi leswi a swi vuleke.”

“Oho, hakunene u vula swona?”

“Ina, Nkulukumba, u vule tano.”

“Kunene, ntsena Sweswo hi leswi Ndzi swi tsariseke xiswona.”

“Ntsena sweswo hi leswi a Swi vuriseke xiswona. Ham! Ina, Nkulukumba.”

¹⁸⁰ “Van’wana va vona va teri, ‘N’wina tshamani edorobeni ra Yerusalema ku fikela laha mi tatiwa hi matimba lawa ya humaka eHenhla. Ku kondza Moya wo Kwetsima wu ta eka n’wina, mi ta va timbhoni ta Mina kwala eYerusalema, Yudiya ni le Samaria, ni tindzhawu hinkwato ta misava.’ Loko a tava a hlayile sweswo, u kolorile, ‘Haleluya, sweswo hi leswi mi swi lavaka!’ Xana maswitiva leswi a swi endleke xana? Ntsena u vile na vona kwalahaya ku kondza va Wu kuma, hi swona, a tshama na vona.

¹⁸¹ “Kutani loko va sungula ku gungula, a ku, ‘Whoop, whoop, whoop, miyelani nyana, miyelani nyana. Yalawa i maendlelo ya timbuti, ku nga ri tinyimpfu. Wa vona? Wa vona?’ Oho, minkarhi yi n’wana va n’wi karihela nyana, kambe u na maendlelo yo va bambetela nyana enhlanini, a ku, ‘Miyelani nyana, xi-xi, xi-xi, xi. Swikahle.’ Wa switiva hakunene ku lawula tinyimpfu ta vona. Ina, Nkulukumba, ndzi Ku byela.”

¹⁸² “Wa switiva leswaku i yini? Ndzi vonile Bishopo *So-na-so* lonkulu n’wi byeli leswaku ‘a nga ka a nga ti eka doroba leri kuta khoma xikhongelo.’ Kambe, Wa switiva, ndzi un’wana loyi ndzi n’wi fambiseke, ndzi ku, ‘Wo tifambela.’ Wa vona? ‘Tshika tithepi leti, kutani u nga ti pfumeleri ti huma.’ Hi fambile hi ndlela yin’wana! Hi fambile ni madoroba hinkwawo, va ku, ‘Kunene, a hi nge seke- . . .’

¹⁸³ “Kutani Wa switiva, Javulosi u yile ehansi kwalahaya, a ku, ‘Ndza ku sola ndzi nga ha n’wi humesa edorobeni rero.’ Ndzi ku, ‘U ngaka U nga swiendli. Loko ndzo n’wi byela leswaku a famba, u ta famba. Ndza ku sola u ta famba.’ ‘Ee, ee, ee, ee, ee, ndzi ta n’wi byela. Ndzi ta ya ndzi ya ku, ‘Sweswi, hinkwavo vatrhi va mina, mi nhlangua kun’we hikwenu. A mi kali mi lava ni xin’we xa swihoxo sweswo lahawani, hinkwako ku hanyisa kwaloko ka Matimba ka khale ni hikwaswo swa Moya wa lowo wo Kwetsima wa khale. Lowu wu nga hundza ni vaapostola malembe lawa ya hundzeke. Maswitiva leswaku sweswo a swi kahle, endzhaku lahaya.’” A ri eku ringeteni ku va nyika tihlangu to oma, swin’wana ni swin’wana swo fana ni sweswo. Ti . . .

¹⁸⁴ “Kambe, Wa tiva leswaku i yini, u yile kwalahaya hi ndlela yin’wana. U yile kwalahaya kutani a sungula ku haxa rilabyana, kusuka . . . Kutani Maswitiva leswaku i yini, tinyimpfu ta vona ti sungurile ku dya, ti sungula ku nona tani hi laha ti ngava ha kona. Ina, Nkulukumba. Loko va ha ri ni ku horisa ni swikhongelo, Wa tiva, vunytingi bya vanakulorhi

lava ntsongo vo tala va sungula. Hikokwalaho ka yini, va swi vonile leswaku loko va nga kuma ntlawa lowukulu wa folici tani hi rilabyana lero. Xana Wa swi tiva leswaku va endle yini ha byona? A swi ri kahle ku kondza va tsutsumela eka vamakhelwana, va ku, 'Ringani Leswi! Ringani Leswi! Ringani Leswi!' Wa vona, moya wale mpfhukeni wu ringiwe ku kotisa lowu nga lahawani. Hi Lowu wu kona kwalahawani. Kona kwalahawani Wu kona, wa vona. 'Ntsena hundzukani, un'wani ni un'wana wa n'wina, kutani mi khuvuriwa hi Vito ra Yesu, wa vona, mi kuma Moya wo Kwetsima. I wa loyi a swi tsakelaka, n'wi tshikeni a ta, n'wi tshikeni a ta lahawani a ta vona leswi Biblele yi swivulaka.' Wa vona? Kutani ntsena va ni nkarhi wa kahle ehansi lahaya."

¹⁸⁵ "Oho, yaloye i n'wana wa Mina! Yaloye i jaha ra Mina. Kunene, xana U ehleketa leswaku u vupfile kahle emiehleketweni xana?"

¹⁸⁶ "Ina. I ntiyiso hakunene," kuvula Moya wo Kwetsima. "Ndzi n'wi nyikile swikambelwana. Jaha, ndzi n'wi ringetile hi ndlela *leyi*, ndzi n'wi ringeta hi ndlela ya *leyo*. Ndzi n'wi hoxile ehansi, a vabya, Ndzi n'wi veka ehansi. Ndzi n'wi tshikisa, Ndzi pfumelela Javulosi a endla xin'wana ni xin'wana lexi a nga xi endlaka eka yena, u tlhele a vuya nakambe. A tisa xisweswiya. Wa vona, a ta nakambe. Ndzi n'wi endle leswaku a vabya. Ndzi endlile *leswi*. Ndzi n'wi cukumetela esibendlhele. Ndzi n'wi humesile lahawani kutani Ndzi endla *leswi*, Ndzi endle *sweswo*. Ndzi endlile leswaku nsati wa yena a n'wi jikela, Ndzi endlile leswaku vaakelani va yena va n'wi jikela, Ndzi jikisile hinkwaswo. Sweswo a swi kalanga swi endla ku hambana ni kantsongo. U teri, 'Hambi A nga ndzi dlaya, Ndzi ta N'wi tshembha swi ri tano.' Ndzi dlayile ndyangu wa yena. Ndzi tekile *leswi*, Ndzi endlile *leswi*, Ndzi endlile hikwaswo *leswi*, Ndzi endlile *leswi*, *sweswo*, *swin'wana*. Hambiswiritano u yimile, 'Hambi A nga ndzi dlaya, ndzi ta N'wi tirhela swi ri tano! I wa mina!'"

¹⁸⁷ "Oho! Kunene, ndza pfumela leswaku Hi fanele ku n'wi vitana a huma kun'wana endhawini yin'wana leyi hlawulekeke kutani a ta hlayisiwa."

¹⁸⁸ Sweswi, loko tatana, eka Testamente ya Khale, a swi twisisile leswaku n'wana wa yena xa xinuna a ta a huma eka vukhale, kutani u humesiwile eka nguva ya ku hlayisiwa. Ku ya eka! Va tswariwile va ri vana, kambe, loko kuri ni n'wana kwalaho. Kambe a ve nge he lavi swin'wana handle ka kuva n'wana, ntsena n'wana wa ntolovelolo, ku kondza loko va vupfile vatlhela va tikombisa leswaku vona i va mani. Manuku, u n'wi vitanile kwalaho.

¹⁸⁹ Sweswi hi hina lava, kereke. Xana mi ti lulamisile xana? Sweswi nkarhi wu fambile nyana, un'wana ni un'wana u luma

rintiho ra yena, tova moya wa wena, kutani mihluva timbilu ta n'wina, ntsena xinkadyana. Wa vona? Sweswi hi ya eku tshamisiseni ka kereke. Sweswi loko kereke yi tava yi fikile endzhawini yaleyo, U teri, "Manase, u wela lahawani. Efraim, wena u lahayani."

¹⁹⁰ Manuku u n'wi tekile a n'wi yisa endhawini yin'wana, tatana wa swi endla sweswo, kutani u n'wi veka eka ndhawu yin'wana ya le henhla ku fana ni leyi, kutani a va ni ku tlangela, kutani va ta kun'we hinkwavo. Hiloko a ku, "Ndzi lava leswaku un'wana ni un'wana a switiva leswaku loyi i n'wana wa mina, kutani ndzi wundla n'wana wa mina. Kutani ndzi lava un'wana ni un'wana leswaku a switiva, kusukela sweswi kuya emahlweni, leswaku vito ra yena... Ndzi n'wi ambexile, tinguvu to hlawuleka eka yena. Kutani ndzi mi lava leswaku mi switiva leswaku vito ra yena hi lerinene tani hiloko mi kambisisa ra mina. I n'wana wa mina, ndza n'wi teka ndzi n'wi endla n'wana wa mina ndzi n'wi tisa endyangwini wa mina, hambi leswi a ri n'wana wa mina kusukela loko a tava a tswariwile. Kusukela loko atava a amukerile Moya wo Kwetsima, U vile n'wana wa Mina wa xinuna. Kambe sweswi ndzi ya n'wi veka exiyin'weni xa vulawuri. Lexi a xi hlongolaka xa hlongoriwa, lexi a xi lombaka u ta lombiwa:

¹⁹¹ "Kutani ndzi vurisile, ndzi vurisile, Ndzi ri ka n'wina, loko mi ngaku eka murhi lowu, loko mi ngaku eka ntshava leyi, 'suka,' kutani mi nga kanakani embilwini ya n'wina, kambe mi pfumela eka leswi mi swi vuleke leswaku swi ta humelela, mi tava ni leswi mi swi vuleke." Wa vona? Kwalaho mi nga kona; kwalaho mi nga kona. Wa vona? "I n'wana wa Mina." Xana i va ngani lava va switivaka ku wundla, kwaloko... va tekile n'wana va n'wi hlayisa endzhaku ka loko va kambisisile leswaku... Un'wana ni un'wana loyi a nga tshama a hlaya Bibele, ku vekiwa ka n'wana.

¹⁹² Sweswi, Xikwembu xi endlile swo fana eka N'wana wa Xona loko Xi tava xi tekile Yesu xi n'wi yisa ehenhla ka Ntshava ya Nkwetsimo. U tekile Petro, Yakob na Yohana a gonya na vona, valava va nharhu i timbhoni ta misava. A kuri ni Yesu, Muxe na Eliya, ni Xikwembu, ehenhla ka ntshava. Kwalahaya a va yimile ehenhla ka ntshava. Kutani, xosungula mi xi tivaka, va langutile, kutani Yesu a kwetsimisiwile emahlweni ka vona. A hi swona xana? Xana i va ngani lava tivaka Tsalwa leri? Xana U endlile yini? Xi—Xi N'wi ambexile hi nguvu leyi nga feku. Kutani Xi ku, "Xihuku xa Yena a xi vangama ku kotisa dyambu." A hi swona xana? Kutani papa ri va funengetile. Kutani Petro na Yohana na vona, va wile hi mimombo ya vona. Kutani va langutile, kutani kwalahaya a ku yimile Muxe na Eliya, a vari ekuvulavuleni na Yena. Kutani Muxe a file, a lahliwile esirheni leri nga tivikiki ku ringana nhungu wa madzana wa malembe. Kutani Eliya a fambile

hi golonyi ya ndzilo a ya eTilweni, ntlhanu wa madzana wa malembe ku nga si va ni sweswo. Heyi! Kambe a va ha ri kwalahaya! Kwalahaya a va ri eku vulavuleni na Yena. Wa vona, Xi tekerile Yesu ehenhla leswaku a ya va vona, ku ya vona leswaku a ku humelela yini, wa vona kwalahaya, xi N'wi kombisa swilo leswi. Kutani va vulavurile na Yena, va vile ni n'wangulani na Yena.

¹⁹³ Manuku tani hiloko Petro a ta va a langutile endzhaku nakambe kutani ku kwetsima a ku sukile eka Yesu, va vonile Yesu ntsena, kutani Rito ri ta ri huma epapeni lero, kutani ri ku, “Loyi i N’wananga loyi Ndzi n’wi rhandzhaka, N’wi yingiseni! Vito ra Yena hi lerinene ku kotisa ra Mina. N’wi yingiseni!” Sweswo hi swona, kuva a endliwa n’wana, kumbe ku vekiwa ka vana.

¹⁹⁴ Sweswi, kwalahaya hi laha Xikwembu a xi ringeta ku kuma kereke ya Pentekostal eka Buku ya va-Efesa. Wa vona? Maswikuma, ma swi twisisa xana? Hi fanele ku pfala hikuva se i vusiku, wa vona, ni vana va khuzelela. Kutani a ndzi lava kuya eka vhese leyi lahawani, kambe a ndzi nge swikoti, ku fikelela eka—eka vhese ya vu13, wa vona, xiphemu xo hetelela, “ku lemeriwile hi Moya wo Kwetsima wa xitshembhiso.” Hi ta nghena eka swona sweswo hi Sonto, wa vona. Langutani. Sweswi, njhani, i ncini leswi swi hi nghenisaka, ni leswi hi nga hlayisiwa xiswona ha Leswi.

¹⁹⁵ Kambe sweswi eka “ku vekiwa,” xana minjhani? Mi matevula eMfun’weni hi Moya wo Kwetsima. Xana i va ngani lava va swi tivaka sweswo? Swi kahle. Leswi landzelaka, mhlawuleriwile yini xana? Ku wundla. Xana i yini sweswo? Mi hlawuleriwile ku tshamisisiwa.

¹⁹⁶ Oho, Sesi Scott, ndza pfumela leswaku hi swona, wena u nga tshama lahawani. Xana a hi wena loyi a ri ekaya namuntlha? Dyondzo yile ku hangalakeni kun’wana emisava hinkwayo, ku rhendzeleka hi swiphemu hi nkwaswo swo hambana swa tiko, ndzi twile ha swona, ko tala, leswaku Yesu u kona lahawani emisaveni, u le ku famba-fambeni a ri enyameni, U nghenile a endla *leswi*. Sweswo i vunwa! Moya wo Kwetsima wa Yena wu kona lahawani, kutani U le ku ringeteni ka ku tshamisisa Kereke ya Yena, ku endla leswaku Kereke ya Yena yi lawuleka, ku yi tshamisisa eka Tiko ra xitshembhiso, leswaku wa nga ha nghena... swingaleswi valala hi nkwa vo va nga humeseriwela ehandle.

¹⁹⁷ Manase a nga ka a nga teki tiko ra yena. Ndzi ngaka ndzi ngavi ni xikhongelo xo horisa loko xiphemu xa...loko ku...ndzi ta ya lahaya ndzi ya chumayela hi nkhuvalo wa Vito ra Yesu Krete, kutani va—kutani vamakwerhu va vunharhu bya tilo va ri, “Oho, Ntsena yena i Yesu wa Khale.” Kutani a ndzi ngeyi emahlweni ku ya va ni xikhongelo xa ku

horisa ka Matimba loko xiphemu xa vona va ku, “Matimba yo horisa ya kahle,” kutani lavo tala va tiphina hi mahlori ya Hosi kutani va ku, “Kunene, ndza pfumela leswaku Makwerhu Branham i muprofeta, kambe mi nge ndzi mi byela swin’wana. Ntsena loko Moya wa ha ri eka yena, kutani wu le ku xikeni, u nandza wa Hosi. Kambe Dyondzo ya yena yi borile, a Hi leyinene.” Xana i mani loyi a nga kala a twa hi xilu lexi va nge i tomirhot? Xi nga hava xi ri xa Xikwembu kumbe xi nga ri xa Xikwembu. Sweswo hi swona. Swi nga hava swi ri swa Xikwembu hi nkwaswo kumbe swi nga ri swa Xikwembu. Yaleyo hi yona ndlela leyi swi nga xiswona. Kambe mi ta swikuma njhani? Manase a ngaka a nga hlayisi misava ya yena, Efraim a ngaka a nga hlayisi misava ya yena, Gad a ngaka a nga hlayisi misava ya yena, Benjamin a ngaka a nga hlayisi misava ya yena, hinkwavo vale ku fambeni ni va-Filista, kutani va hlangananile hinkwavo ka vona. Xana hi ta yi kuma njhani ndhawu? Kambe hi tswariwile hi Moya wo Kwetsima, hinkwerhu ka hina. A hi swona xana? Xana hi tswaleriwele yini xana? Ku hlawuriwa. . . Kutani endzhaku ka ku tswariwa, hi hlawuriwile hi endliwa vana, kuva hi tshamisisiwa eMirini wa Krete. Xana maswivona leswi ndzi swi vulaka xana?

¹⁹⁸ Xana Miri wa Krete i yini? Van’wana i va apostola, van’wana i vaprofeta, van’wana i va dyondzisi, van’wana i va evhangelu, kutani van’wana i va fundhisi. A hi swona xana? Hi vitaniwile eka swona. Van’wana va ni tinyiko ta tindzimi, ku hlamusela tindzimi, vutlharhi, vutivi, mahlori, ku endla mahlori, hinkwato tinyiko leti hi ku hambanana ka tona. Kutani sweswi va endla yini? Va ti tolovetisa sweswo nyana. Yini? Hi ti tshika ti luzeka ntsena tani hiloko ndzi nga switivi. Un’wana wa yima, a vulavula hi tindzimi, kutani un’wana u ya emahlweni, niku vulavula, [Makwerhu Branham a encenyeta mpfumawulo wa mpfilumpfilu ni dzolonga—Muhleri.] swo fanana. Muchumayeri a ri eku chumayeleni, a kombela lava tinyikelaka, kutani un’wana a yima, a vulavula hi tindzimi athela a ku “Haleluya, ku kwetsima akuve eka Xikwembu.” Loko—loko muchumayeri a lava kuya emahlweni ni hungu ra yena, leri nga ni ntoto, kutani vanhu va ri, “loyi a nga wa khale.” Wa vona, swi hi kokwalaho ka kuva va nga dyondzisiwanga.

¹⁹⁹ Bible ye teri mimoya ya vaprofeta yi fumiwa hi vaprofeta. Hikuva Xikwembu xa hina a hi xa dzolonga. Loko ndzi yimile lahawani, kumbe muvuli wa rito lahawani a ri ehansi ka ntoto wa Xikwembu. A swi na mhaka leswaku u lava ku vulavula hi tindzimi hi ndlela yihi, wa miyela Xikwembu xi kondza xi heta lahawani. Kutani loko mi vulavula hi tindzimi, ntsena a hi swin’wana leswi swi vuyelerisaka Matsalwa, hikuva Xikwembu xi teri mi nga vuyelerisi marito ya n’wina lawa ya bokoxelaka. Kambe i hungu leri ri nga kongomisiwa eka un’wana. Wu ndzi

komberile siku rin'wana, leswaku ndzi vekela rintihlo hi nkarhi lowu Moya wo Kwetsima, wu nga tshama wu xika, wu byerile un'wana loyi, a vuyelerisa Matsalwa kotala. Wu va byerile swin'wana leswi nga hoxeka eka vona ni swin'wana leswi va swi endleke, ni swin'wana leswi va nga ta swi endla kumbe swin'wana leswi nga ta humelela, kumbe swin'wana swo fana ni sweswo. A hi swona xana?

²⁰⁰ Swingaleswi i ku vulavula hi tindzimi niku ti hlamusela! Loko ku ri ni un'wana ekerekeni loyi a vulavulaka hi tindzimi, kutani un'wana a ti hlamusela, minge hi swivurisa xi leswi. A hi nge Makwerhu Neville a yima a vulavula hi tindzimi, kutani makwerhu loyi lahawani a nyika nhlamuselo, a ku, "Byela wanuna loyi lahawani leswaku tolo u fambile a ya endla leswi a fanele a nga swi endlanga. Swingaleswi dokodela namuntlha u n'wi byerile leswaku u ni mfukuzani. Famba u ya lulamisa swilo sweswo, kutani u vuya lahawani u lulamile ni Xikwembu."

Wanuna a ku, "I ntiyiso, walowo i ntiyiso." Kutani Xikwembu xi na n'wina.

²⁰¹ Kambe hi ta swi endlisa ku yini hi ndlela leyi? Wa vona? Kova ntsena. . . [Makwerhu Branham a encenyeta mpfumawulo wa mpfilu-mpfilu ni dzolonga—Muhleri.] Ntsena hi xinkadyana nyana, hi ndlela yin'wana, a ku na ku tshamisisiwa eka hinkwaswo. Sweswi sweswo i. . . Wa vona, va-Efesa, vale ku ringeteni. . . Wa vona, va lahlekeriwile hi sweswo. Wa swi vona xana leswaku swi va lahlekerile njhani? Hi hlawuriwile leswaku hi endliswa vana! Xana sweswi i va ngani lava va swi twisisaka leswi ndzi swi vulaka, yimisani mavoko ya n'wina. Ku hlayisiwa! Hi tswaleriwile eMoyeni wa Xikwembu, hakunene, hi amukela Moya wo Kwetsima, kutani hi rila, "Aba, Tatana! Haleluya! Ku kwetsima akuve eka Xikwembu!" Hi tano, hi swona, hi vana, kambe ku hava laha hi yaka kona. Hi ngaka hi nga va xupuli va-Filista.

²⁰² Langutani Billy Graham loko a ha yimile lahaya. Kutani Mohammed ya loyi u ri, "Swi Kambisisi."

²⁰³ Langutani Jack Coe loyi a yimeke lahaya. Kutani ni mujagani ya loye, mu-church of Christ ya loye a tlhavulanaka mavoko ni mujagani ya loye kwalahaya, ni ku khomana hi mavoko. Loyi a fanele a ri Mukreste, ni ku tlhavulana hi voko ra javulosi wo tani hi Joe Lewis, muehleketi loyi a ntshuxekeke, kutani hambi kuri ku rhukana Xikwembu a ku "kuhava nchumu lowu vange i Xikwembu, hi ndlela yin'wana, ku sungula hi swona," ni swin'wana swo fana ni sweswo. Kutani ni kereke leyi yi tivulaka church of Christ, yi tlhavulana mavoko na yena, ni ku teka tlhelo ku lwisana ni Makwerhu Jack Coe. Xana hi nga swi endlisa ku yini swin'wana? Kutani va Pentekostal, vo tala va vona, va lwisana

na yena; loko, muchumayeri un'wana ni un'wana etikweni ra hina a fanekele ku yima hi swikunwana a yima na yena, kutani a ku, "Xikwembu, xikisa Matimba ya Wena." Wa vona, laha hi nga kona, laha swi nga vekiwangiki.

²⁰⁴ Efraim a nga swi lavanga ku tshama. Un'wana wa vona u yile lahawani, hi kuma Manase lahawani, a ku, "Oho, mina, Hosi yi ndzi nyika nsimu leyinene ya mavele!" Kutani hi loyi a taka lahawani, Gad, a ku, "Kunene, sweswi, yima nyana. Ndzi fanele ku byala koroni, kambe ndzi fanele ku kuma ni mavele. Haleluya!" Maswivona xana? A mi nga endli nchumu hi mavele; kumani koroni, koroni i xiphemu xa ku kurisiwa ka n'wina. A mi fanelanga hi ku byisa tinyimpfu loko mi fanele hi ku byisa tihomu. Xikwembu xi lava ku tshamisisa kereke. Kambe un'wana ni un'wana wa vona u lava ku endla swo fana. "Haleluya!" Kutani a mi nga va byeli nchumu ha swona. Ee, ee. Va ha ri ni maendlelo ya vumbuti, "Mee, mee, mee, mee, mee, mee, mee." Wa vona, mi ngaka mi nga va byeli. Sweswo hi swona. Sweswi, xana a hi ntiyiso sweswo xana? Kutani mi ngaka mi nga swikoti ku tshamisisa kereke. Wa vona?

²⁰⁵ Kereke yi fanele yi va leyi yi hlawuleriweke ku hlayisa vana, laha munhu. . . Xikwembu xi nga ha teka munhu xi n'wi endla n'wana wa xona endyangwini, kutani xi n'wi nyika xa n'wa nchumu. Leswaku, xo sungula, xi ringeta sweswo loko swi ri kahle. Bible yi teri ringetani mimoya. Munhu loyi u koxa swin'wana, wu ringeti kutani u vona loko wu ri wona. Loko wu ri kahle, famba na wona. Kutani u ku, "Hosi, hi rhumele swin'wana." Tshamela ro famba, wa vona, tshamela ro famba ku kondza nakulorhi un'wana ni un'wana a teka ndhawu ya yena. Kutani mi ta vona kereke ya Xikwembu yi sungula ku kumeka endhawini ya yona. Kutani loko va-Filista va ta vuyela endzhaku ku ta seketela. Swiambalo leswo koma swi ta susiwa, misisi yi ta kula yi ya ehansi, swikandza swi ta hlambiwa; tisingara ti ta lahleka. Sweswo hi swona. Loko kereke yi sungula ku kuma Matimba ya yona lama kulu, loko hi tava na Ananiya na Safira, kutani ni van'wana lava ntsongo va vona. Ina, nkulukumba. Mi ta swivona loko Kereke ya leyo yo kwetsima yi yima kun'we eMatimbeni ya Xona, yi vekiwile exiyyin'weni xa yona yi tshamisisiwa tani hi vana va Xikwembu, yi hlayisiwa endyangwini wa Xikwembu, Kereke ya matimba swinene yi yimeke lahaya evukwetsimelweni bya yona. Oho, sweswo hi leswi Xi telaka swona.

²⁰⁶ Xana maswivona leswaku hi huma ekule njhani, vamakwerhu? A mi nge swi kumi hambi kuri ku swi kuma kun'we eMatsalweni. Kutani munhu un'wana ni un'wana, munhu un'wana ni un'wana loyi a nga vonangiki nkhuwulo wa mati eBibeleni, hi Vito ra Yesu Kreste, a nga hava a ri bofu kumbe kuri ni swin'wana leswi nga hoxeka emiehleketweni. Hi swona sweswo. Kutani hi kona laha ku nga ni kulwisana loku kulu.

²⁰⁷ Ndzi ta—ndzi ta byela un’wana ni un’wana leswaku a ndzi nyika Matsalwa man’wana ni man’wana laha un’wana a nga tshama a khuvula hi vito rin’wana ehandle ka Vito ra Yesu Kreste, eka kereke leyintshwa. Kumbe, loko a khuvuriwile hi ndlela yin’wana, u fanele ku khuvuriwa nakambe hi Vito ra Yesu Kreste, ku kuma Moya wo Kwetsima. Mi nga ta mi ta ndzi komba. A swi kona sweswo. A ku kona ku lerisa kwaloko. Loko Yesu a swi vurile kwalaho, “Yanani ha kona, mi ya dyondzisa va matiko hinkwawo, mi va khuvula hi Vito ra Tatana, ni ra N’wana, ni ra Moya wo Kwetsima.” Tatana, N’wana, na Moya wo Kwetsima, kuhava na xin’we xi nga vito, kuhava na xin’we eka swona. Petro u hundzulukile, emasikwini ya khume lawa ya hundzeke, a ku, “Hundzukani, kutani mi khuvuriwa, un’wana ni un’wana wa n’wina, hi Vito ra Yesu Kreste, mi ta rivaleriwa swidyoho swa n’wina.” Kutani ni hinkwako eBibeleni.

²⁰⁸ Kutani hi lava van’wana lava va nga khuvuriwa kwalahaya, hi ndlela yin’wana, hi Yohana, ntsena eka ku hundzuka. Paul u teri, “Mi fanele ku khuvuriwa nakambe. Mi fanele ku ta nakambe.”

²⁰⁹ “Oho, kambe hi khuvuriwile hi wanuna lonkulu la kwetsimaka, Yohana. Loyi a khuvuleke Yesu.”

²¹⁰ “Swikahle, leyi i Evhangelu. Lowu i Moya wa Xikwembu lowu wu ti hlavuteleke eka mina. Ndzi muapostola wa Hosi, kutani loko ku nga ta ntsumi leyi yi humaka eTilweni yi ta chumayela swin’wana leswi hambaneke. . . ”

²¹¹ Mi nge ndzi swi hlaya kunene. Biblele yi teri, “Loko ntsumi. . . ” Paul u teri, “Loko ntsumi yi nga ta yi huma hi le Tilweni yi fika yi mi byela swin’wana,” bishopo, bishopo-nkulu, phopu, muangameri, hambu a ngava a ri mani, “loko a chumayela swin’wana ehandle ka Leswi ndzi swi chumayelege eka n’wina, a rhukaniwi.” A ku na. . . A hi na swo fana ni sweswo. Ee, nkulukumba. Ntsena mi. . . Ntsena ku hava swo fana ni sweswo. N’wina, hina. . . Kutani swingaleswi—swingaleswi, wa vona, xana hikokwalaho ka yini vanhu va nga swivoni sweswo xana? Xana hikokwalaho ka yini vanhu va nga—va nga, va nga swi pfumeli sweswo xana? [Un’wana eka nhlengeletano a ku, “Ku hlawuriwa”—Muhleri.] Wa vona? Un’wana u vule swona lahaya, Gene. “Ku hlawuriwa,” hi swona. Hikokwaloko ka yini? “Hinkwaswo leswi Tatana a nga Ndzi nyika swona swi ta” (yini?) “ta ta eka Mina.” Hi swona hakunene! “Hinkwaswo leswi Tatana a nga Ndzi nyika swona swi ta ta, swi ta ta eka Mina.” Xana ku humelela yini ha mina, ndzi le ku ringeteni ka ku kumisisa lahawani? Hi hina lava. Hi swona.

²¹² Mi nge ndzi mi hlayela vheshe leyi kutani ndzi ta mi byela leswi Paul, leswi a nga. . . Hungu rin’we ni leri ndzi ri chumayelaka madyambu lawa, hi leswi leswi Paul a swi

vuleke hi ku hlawuriwa, eka nkhuwulo wa mati hi Vito ra Yesu, nkhuwulo wa Moya wo Kwetsima, ku tshamisisiwa ka kereke, ni swin'wana. Hi leswi leswi a swi vuleke.

Ndza hlalala (ku byeriwa va-Galatia lava) hikuva mi tshikile la mivitaneneke... tintswalwini ta Krete...

Ndzi ni tingana eka n'wina, hi marito man'wana, hi leswaku mi pfumelela un'wana a mi pfilunganya eka Yona, eka *evhangeli yin'wana*:

Swi nga ri leswaku yin'wana yi kona; kambe vanhu va kona lava mi pfilunganyaka, lava rhandzaka ku soholota evhangeli ya Krete, va soholota Evhangeli ya ntiyiso ya Krete.

²¹³ Kambe langutani. Sweswi, tsundzukani, a ku ri Paul loyi a ri karhi a byela un'wana ni un'wana loyi a nga khuvuriwangiki hi Vito ra Yesu Krete, ku ta a ta khuvuriwa nakambe hi Vito ra Yesu Krete. Xana i va ngani lava va switivaka leswaku sweswo i ntiyiso? Xana i va ngani lava va switivaka leswaku i Paul loyi a boxeke swihundla leswi swi tumbetiweke kusukela emasunguleni ya misava, kutani swi hlavuteriwile eka yena, leswaku hi hlawuriwile leswaku hi va vana, kutani, ni ku hlalisiwa. A ku ri Paul. Langutani lahawani leswi a swi vuleke.

Ku nga va hina, hambu yi ri ntsuni ya le tilweni, leyi nga dyondzisaka dyondzo yin'wana eka n'wina ku nga ri leyi hi nga mi dyondzisa yona, a ve anatema.

²¹⁴ Ntsena mi nga ku, "A ndzi pfumelelani na wena, nkulukumba." Ntsena a yi rhukaniwi. Mi nge ndzi hlalaya vheshe leyi landzelaka.

Hi laha hi nga rhanga hi mi byela, ni sweswi ndza ha vurisa sweswo, loko un'wana a mi byela evhangeli yin'wana ku nga ri leyi mi yi amukeleke, a ve anatema.

²¹⁵ Sweswo hi swona. Sweswi, buti, sesi, loko a kuri Xikwembu eka rin'wana siku, kutani ndzi—ndzi vula leswaku a ndzi nga tava ni tshembho, lowu wu ndzi tekeke ku vona vuntsongo lebyi... Sweswi, ndzi na nyanyuko; a ndzi bvumbhi leswaku ndzi ni nyanyuko, ntsena ndzi katekisiwa hi ku chumayela. Ndzi ti kuma ndzi ri ehandle ka vumina nakona ndzi mi tshamisa lahawani ku fikela laha ndzi switivaka leswaku ma khuzehela ni kuva mi karhele. Kambe, oho, ndzi... Loko mi—loko mi nga tiva laha ndzi lavaka leswaku mi va kona! Wa vona? Kutani loko ndzi, ndzi tlhela ndzi vula leswi nakambe, loko ndzi... loko A teri... ndzi ku, "Swi ta endla..."

A ku, "Xana ma swi lava ku vona leswi makumu ya nga tava xiswona xana?"

²¹⁶ Kutani ndzi langutile endzhaku kutani ndzi ti vona ndzi etlerile kwalahaya emubedweni. Hakunene mi ndzi tivile ku leha loku ku eneleke ku tiva leswaku—leswaku—leswaku ndzi mi byela Ntiyiso. Ndzi lava ku mi vutisa swin'wana, tani hiloko Samuel a teri loko va nga si tota Saul, xana a ndzi se tshama ndzi mi byela swin'wana hi Vito ra Hosi leswi a swi ri ntiyiso xana? A hi swona xana? Swi ntiyiso minkarhi hinkwayo. Xana ndzi kale ndzi nga mikombela mali kumbe swin'wana swo fana ni sweswo xana? Ee, wa vona, a ndzi kalanga ndzi swi endla. Xana ndzi kale ndzi endla swin'wana leswi ndzi ringeteke ku mi yisa eka Krete ha swona xana? Hakunene.

²¹⁷ Sweswi va lava ku vula leswaku ndzi loyi a hlanganeke nhloko, maswitiva, eka mulanguteri wa mavabyi ya switwi. Hikuva, swin'wana swa vona swi fanele ku pfuka, Biblele yi teri wa tava tano. Tani hi Yambri na Yanne va lwisaneke na Muxe, va endlile leswinene tani hi leswi Muxe a swi endleke, ku fikelala swi kombisiwaka. Sweswo hi swona. Kambe tsundzukani, Yambri na Yanne a va nga swikoti ku horisa. A va nga ta swikoti ku horisa. A va kota ku tisa makhombo, kambe a va nga swikoti ku masusa. Wa vona? Swi lulamile. Sweswi, Xikwembu i Muhanyisi. Rito ra Xikwembu ri tshama ri ri Ntiyiso.

²¹⁸ Ndzi ringetile ku tshembheka eka n'wina. Ndzi ringetile ku mi byela Ntiyiso. Ndzi ni—ndzi ni... kwalomu ka makume nharhu-n'we wa malembe, ndzi yimile eka phulphiti ya leyi, ndzi pfa ndzi suka ndzi pfa ndzi vuya, ku ringana makume nharhu-n'we wa malembe, kutani siku rin'wana ndzi ta famba ndzi ya eku Kwetsimeni ndzi siya phulphiti leyi. A ku ri ni nsati, nhwana, tatana, makwerhu wa xinuna, hi nkwavo va lahliwile ku tsemekanyela lahaya, vanghana va nkokala. Ndzi langutile mabokisi ya vona ni swiluva leswi vekiweke kwalahayani. Kutani ndza switiva leswaku kutava na ra mina siku, na rona. Sweswi, walowo i ntiyiso. Kambe hi ku tshembheka, kusuka embilwini ya mina hinkwayo, ndza mi byela hi mbilu ya mina hinkwayo, ndza pfumela leswaku ndzi mi chumayelerile Evhangeli ya ntiyiso ya Hosi Yesu Krete. Ndza pfumela leswaku mi fanele ku khuvuriwa, un'wana ni un'wana wa n'wina, hi Vito ra Yesu Krete, kutani mi ta amukela nkhuvo wa Moya wo Kwetsima. Kutani xin'wana ni xin'wana lexi mi nga ta xi endla, xi ta mi tisela ntsako, ku rhula, ku tiyisela, vunene, vumbulwa, ku xixima, ku va ni mbilu, ripfumelo.

²¹⁹ Kutani siku rin'wana, ku humelerile yini hi mixo wa lowo, a ndzi swi tivi. Kahle-kahle a ndzi nge vuli leswaku a ndzi ri eka miri wa mina kumbe ntsena ndzi lo vona xivono, kumbexani a ndzi vutliwile kusuka kwalahawani, ku ya lahaya. A ndzi switivi, a ndzi nga swivuli. Ntsena lexi ndzi xi tivaka, hileswaku a ndzi—a ndzi ri eku chaveni ka ku fa,

xindzhawana xexo xa ndzhombho. Kambe a ndzi nga chavi leswaku Yesu u ta ta a ta ndzi teka, sweswi, a ndzi swi chavi sweswo, hikuva a ndzi—a ndzi swi chavi sweswo; kambe loko ndzi nga hlangana na n’wina ntsena mi ri nkungwa wa khale lowu wu hahaka emoyeni. Kambe ndza swivona sweswi. Loko ndzi tava ndzi vonile vanhu valavo, a va ri va ntiyiso.

²²⁰ A ku se tshama ku va na munhu loyi a nga yimela Pentekosata kutani a ri muapostola wa ntiyiso, a kuri F.F. Bosworth, la tengeke, la lulameke, a ri ni Evhangelu ya ntiyiso, wa vona, a ku ri Bosworth. Kutani loko ndzi tava ndzi n’wi vukarhile, kutani ndzi bile nkalanga, “Tatana wa mina, tatana wa mina, tigolonyi ta Israel ni vavanuna va tihanci kwalaho.”

²²¹ U teri, “N’wananga, tshama ensin’wini.” A ku, “Hlula vanakulorhi lava ntsongo kuya eka nsimu ya va hlampfa, loko u nga swi kota, va nga se tisa to tala to hambuka kwalaho. Va yise eka Evhangelu ya ntiyiso leyi u yi kumeke, n’wananga.” A ku, “Ministri wa wena a wu se sungula laha a wu fanele wu sungurile.” A ku, “U Branham lontshwa.” A ku, “Wa ha ri lontsongo, n’wananga.”

Ndzi teri, “Makwerhu Bosworth, ndzi na makume mune-nhungu wa malembe hi vukhale.”

²²² A ku, “A wu se sungula.” A ku, “U nga pfumeleli va chumayeri lava ntsongo lava va Pentekostal va nghena ni thyaka ro tala leri va nga na rona, va ta chela vuxungu, ni ku kuma hinkwaswo swa—swa vudiplomati ni matiko hi nkwawo lawa ya nga ta lwisana na Yona u nga se fika kwalahaya.” A ku, “Ya na emahlweni, Makwerhu Branham, ya na emahlweni ni Evhangelu leyi u nga na yona.” A ku, “Ndza—ndza pfumela leswaku u muapostola, kumbe muprofeta wa Hosi Xikwembu xa hina.”

²²³ Ndzi n’wi langutile, ndzi n’wi vukarhile hi mavoko ya mina. Ndzi ku, “Makwerhu Bosworth, ndzi lava ku ku vutisa xivutiso. Xana hi wihi nkarhi wo tsaka ngopfu wa wena. . . ekusungule ka wena. . . emalembeni hi nkwawo lawa u ma chumayeke?”

U teri, “Sweswi, Makwerhu Branham.”

Ndzi ku, “Xana wa switiva leswaku u le ku feni?”

U teri, “A ndzi nga fi.”

Ndzi ku, “Yini. . . Hikokwalaho ka yini u vula leswaku lowu i nkarhi wa wena wo tsaka?”

²²⁴ A kuri ni xivantana. A ku, “Ndzi badama lahawani ni xikandza xa mina lexi languteke eka rivanti lero. Hi minete yin’wana ni yin’wana, eka un’wana Loyi ndzi n’wi rhandzaka, ni le ka Loyi ndzi n’wi chumayekele ni ku yimela, leswi hinkwabyo. . . vutomi bya mina, U ta ta hi rivanti lero a tela

mina, kutani ndzi ta famba na Yena.” Ndzi n’wi langutile, ndzi ehleketa, a—a ndzi languteka ku fana ni loko ndzi ri Abraham, Isak, kumbe Yakob.

²²⁵ Ndzi n’wi khomile hi voko, ndzi ku, “Makwerhu Bosworth, havumbirhi ka hina hi pfumela eka Xikwembu xin’we, hi pfumela eka nchumu wun’we. Hi tintswalo ta Xikwembu ndzi ta chumayela ku kondza ku hefemula ko hetelela ku hambana na nyama ya mina. Ndzi ta tshama entiyisweni wa Xikwembu tani hiloko ndzi tiva ku tshama eka wona. A ndzi nge xaveleli loko swita eka Evhangelhi hi tlhelo rin’wana kumbe endzhawini yin’wana. Ndzi ta tshama entiyisweni tani hi loko ndzi tiva ku tshama eka wona. Makwerhu Bosworth, ndzi ta hlangana na wena eka Tiko leri antswaka laha u nga taka u nga havi lontsongo... kumbe kudyuhala nakambe, kambe kuva lontshwa.”

²²⁶ A ku, “U tava kwalahaya, Makwerhu Branham, u nga vileli.”

²²⁷ Kutani hi awara ku nga si va na sweswo, ti awara timbirhi a nga si fa... kwalomu ka tinhweti timbirhi leti nga landzela, a ndzi ehleketa leswaku a ri eku feni kwalaho, nsati wa mina u nghenile kutani a n’wi vona (a tshamela ro ehleketa ngopfu ha yena), kutani Manana Bosworth. Kutani kwalomu ka ti awara timbirhi a pavalarile, a etlele. U pfukile, a languta, kutani a tlula a suka emubedweni wa yena. A ku, “Mhani, kunene, a ndzi kalanga ndzi ku vona kuringana malembe! Papa! Makwerhu Jim, hinkwalaho ka yini,” u teri, “a hi voneni, a wu ri un’wana wa lava ndzi nga va hundzula kuya eka Hosi, eka Joliet, Illinois.” A file kuringana malembe ya makume ntlhanu lawa ya nga hundza. Wa vona? Ina! U teri, “U sesi *So-na-so*. Ina, ndzi ku yisile eka Hosi e—e xikhongelweni xale Winnipeg. Ina. Hikokwalaho ka yini, hi loyi Sesi *So-na-so*. A ndzi se tshama ndzi ku vona... Ina, wa vona, u tile eka Hosi eka *so-na-so*.” Kutani hi tiawara timbirhi a qhavulana ni un’wana loyi a nga n’wi yisa eka Hosi. A famba a ya ekaya ka yena, kutani a pavalala ehansi, a tsemekanyisa mavoko ya yena, kutano sweswo a swi ri tano. Xana Makwerhu F.F. Bosworth u nghenile eka Tiko leri Yesu a nga ndzi komba rona vusiku byi n’wana xana? Loko swi ri tano, u kwalahaya a ri jaha madyambu lawa. Xikwembu xi wisisile moya wa yena. Kutani ndzi nga ha hanya hi ku tshembheka leswaku ndzi ta kota ku nghena eTikweni lero. Kutani ndzi nga hava wa ntiyiso ndzi—ndzi va nandza wa Kreste!

²²⁸ Ndzi ni tingana hi vutomi bya mina. Ndzi ni tingana. Ndzi—ndzi—ndzi... Loko ndzi dyohile emahlweni ka n’wina vanhu, mi—mi kolota ku ta mi ta ndzi byela. Wa vona? Ndzi ringeta ku hanya hi kululama eka xin’wana ni xin’wana lexi Xikwembu xi nga ndzi lerisa ku xi endla hi tintswalo ta Xona.

Wa vona? Wa vona? Kambe, langutani, vanghana, mi ndzi kolota swona loko mi tiva xin'wana lexi hoxekeke hi vutomi bya mina, tanani mi ta ndzi byela. Kutani, langutani, ndzi mi kolota ku yima lahawani ni mi chumayilela Evhangeli ya ntiyiso. Ndzi mi kolota yona, hikuva ndzi langutele ku vona xikandza xa un'wana ni un'wana wa n'wina, vavanuna lava ntsongo ni vavasati, ntsena ku tsemekanya nyangwa lahaya. Ntsena i ku hefemula kun'we loku ku nga exikarhi ka laha mi nga kona sweswi ni lahaya. Sweswi, hi swona. Swi kwalahaya.

²²⁹ Kutani Xikwembu xa tintswalo hinkwato, Xikwembu xale Tilweni, lexi nga riki ni xisandzu, kambe hi xichavo, "Papa," hi siku lero leri kulukumba loko hi ta vuyeseriwa endzhaku lahawani kutani hi tava ni mi miri yale misaveni nakambe, swingaleswi hi nga ha nwa, ni ku dya tidiriva ni mihandzu ya tiko. "Va ta a ka tiyindlu leti ti nga taka ti nga ha tshami hi van'wana. Va ta byala nsimu ya vhinya laha yi nga taka yi nga ha dyiwi hi van'wana." Wa vona? Wanuna u rima nsimu ya vhinya, n'wana wa yena wa xinuna a yi teka, kutani ni n'wana wa yena wa xinuna a yi teka, kutani na yena. Kambe ku nga ri eka mhaka leyi; u ta yi byala a tlhela a tshama kwalahaya. Wa vona, hi swona. Hi tava kwalahaya hi laha ku nga heriki. Kutani kumbexani, eka Tiko lero, ndzi nga ha vona un'wana ni un'wana wa n'wina.

²³⁰ Kutani ndza switiva leswaku ndzi le kuvulavuleni lahawani hambi kuri eka vafundhisi va vunharhu bya tilo. Kutani, vamakwerhu va mina, a ndzi vuli leswi—a ndzi vuli leswi hi ku mi khunguvanyisa. Ndzi wa vunharhu bya tilo, na mina, ndzi pfumela eka vunharhu bya tilo, Mintumbuluko yi nharhu ya Xikwembu (Tatana, N'wana, ni Moya wo Kwetsima), kambe ku nga ri Swikwembu swinharhu. Wa vona? Ndza pfumela leswaku ku ni Mintumbuluko yi nharhu, hiku hetiseka, ndzi endla sweswo hi mbilu ya mina hi nkwayo, "Tatana, N'wana, ni Moya wo Kwetsima," kambe a hi Swikwembu swinharhu. Ntsena i Mintumbuluko yi nha-... kumbe tihofisi tinharhu ta Xikwembu. Xikwembu xi hanyile kan'we eka vu-Tatana, vu-N'wana, kutani sweswi eka Moya wo Kwetsima. I Xikwembu xin'we eka tihofisi ti nharhu. Kutani va ni swona...

²³¹ Kutani Tatana, N'wana, ni Moya wo Kwetsima, a hi Vito ra Xikwembu. Xikwembu xi ni Vito rin'we ntsena, kutani Vito ra Xona i Yesu. Biblele yi teri, "Ndyangu wale Tilweni wu thyiwiwe Yesu, ni ndyangu wa laha misaveni wu thyiwiwe Yesu." Sweswo hi swona. Swingaleswi Xikwembu xi ni Vito rin'we, Vito ra vumunhu. A Xi ri... ni vito leri a ri vuriwa Yehovhayire, Yehovha-rhapa, sweswo a kuri swiyimo swa Vutitivisi bya Xona. Kambe Xi ni Vito rin'we ntsena, ra Yesu! Kutani yaloye hi Xona.

²³² Kutani hi ntiyiso, vamakwerhu va mina, loko mi nga pfumelelani na mina, tsundzukani, ndzi—ndzi—ndzi ta hlangana na n’wina kwalahaya, hi ndlela yi n’wana. Wa vona? Ndzi ta—ndzi tava kwalahaya na n’wina. Kutani Xikwembu a xi mikatekisi. Kutani ndza mi rhandza.

²³³ Kutani ndzi lava leswaku kereke leswaku yi swi tsundzuka sweswi, hi Sonto ni mixo hi ta yisa emahlweni ku suka kwalahawani kutani ndzi ta ringeta leswaku a ndzi mi khomeleti ku tlula awara ya mbirhi, leswaku hi ta va ni xikhongelo xa ni ndzhengha, loko hi ta swi kota, kutani loko ndzi nga endla tani hi laha ndzi endleke ha kona madyambu lawa, hafu kubile awara ya khume. Xana ma ndzi rivalela xana? Vanghana, a ha ha ri ni nkarhi wo tala lowu saleke, varhandziwa. Ndzi—ndzi mi vitana “varhandziwa” hikuva mi vona. Mi—mi va rhandziwa va mina. Xana ma switiva leswaku i yini? A hi nge . . . Ku ta Tsalwa lahawani. Paul u teri, “Ndzi ni mavondzo eka n’wina (Kereke ya Xona) hi mavondzo ya vukwembu, hikuva ndzi mi vutile.” Kwalaho mi nga kona, mi na kona. Sweswo hi swona. “Hikuva ndza mi vuta, ndzi mi teka ndzi mi yisa eka Krete, tani hi nhwana loyi a tengeke.”

²³⁴ Sweswi, loko sweswo a ku ri ntiyiso hi siku lero, u teri . . . Vona, vanhu va teri eka mina, va teri, “Yesu u ta ta eka wena, kutani wena u ta hi yimela eka Yena,” nhwana lowo tenga. “U avanyisiwa hi Rito leri a nga va chumayeleva rona.” Kutani, langutani, loko ntsena ndzi nga mi chumayeleva leswi Paul a swi chumayeleva kereke ya yena, loko ntlawa wa yena wu nga nghena na hina hi ta nghena, hikuva hi na swo fana. Amen. A hi korhamiseni tinhloko ta hina sweswi loko ha ha ku, “Xikwembu a xi mi katekisi.”



KU HLAYISIWA

Hungu leri hi Makwerhu William Marrion Branham ri sungule ri chumayeriwa hi Xinghezi eBranham Tabernakele eJeffersonville, Indiana, U.S.A., ri susiwile eka thepi yo kandziyisa ya maginetiki ri tsariwa ri nga khomananga hi Xinghezi. Hundzuluxo lowu wa Xitsonga wu tsariwile wu tlhela wu hangalasiwa hi Voice Of God Recordings.

TSONGA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org